

苗防畚覽



苗防備覽屯防

趙營平侯金城之屯議初上。漢廷右之者十只二三。獨魏丞相稱後將軍之策爲可行。謀大功者不諧俗。詎不信哉。興屯務於苗疆。其尤有難者三。廳沿邊田土被苗踞佔。必奪諸鋒鏑之中。而後屯有其本。邊地不敷分撥。必得近邊麻瀘民業。而後屯有其資。嘉慶二三年來。鼓勵屯練。與沿邊悍苗大小百餘戰。始清出民地。其間冒險履危者屢矣。附近民戶固多尙義急公之人。而愚民之情。可與樂成。難以慮始。則挾私梗議者。間亦有之。苟非歷任各大僚。堅持定見。不怵於利害。不搖於異同。安能成此遠猷哉。又營平之屯。不過供一時征卒食糧。經久之規制。弗傳。

茲役爲耕戰之民謀永固籓籬之計則更必博採羣議斟酌盡善庶可行之久遠各大僚有始創其議者有中持其事者有終成其事定經久之章程者其思慮所存精神所注實周洽於巖疆之千村萬落高下原隰之間其惠我邊黎詎淺鮮哉用於案內前後奏疏關係屯務者編次之至大兵久撤而二鎮一協畱防將弁遇苗躡入輒截擊鵬勦奮揚我武用以警服頑苗尤爲屯務成敗之所繫錄存各奏知沿邊文武如此之戮力同心而始得固吾圉則非第耀一時之戰功而已也

會籌開屯防邊疏

巡撫

祖之望

爲會籌苗疆邊備經久之計漸撤畱防裁減經費仰祈

聖

事臣等伏思理苗之道不外勦撫兩端防邊之策務使兵民相

間聖以衛民民以實聖有聖堡以資生聚尤必有礮卡以固防

維均田屯勇寓兵於農而後民氣日固兵威日益壯盛加以約

束苗弁明示勸懲庶可漸臻馴服久遠相安其間三廳情形各

有不同而辦理必須畫一鳳凰廳自嘉慶二年正月以後經同

知傅鼐雇募匠夫勸諭丁勇陸續修建沿邊裏圍各路礮卡哨

台八百餘座牆濠百有餘里鎮筮鎮臣富志那督率將備弁兵

幫辦沿邊既已布置嚴密因得收復廳屬十一約民田除給各

戶復業耕種外士民皆知恃邊自衛情願呈出歸公田地二萬

餘畝作為丁勇屯耕守禦之計該同知傅鼐會同委員候補布

政司理問姚興潔等清理丈量僅數丁勇四千人分授屯種查該廳係苗疆咽喉爲辰浦麻瀘屏障沿邊二百數十里碉卡林立必得丁勇六千人方敷更代防守即可裁去鄉勇鹽糧撤退畱防官兵其餘不敷分授之田擬於該同知代爲清理資給復業貼近鳳屬之瀘溪麻陽各民戶內酌量均出撥補卽飭該同知會同瀘麻二縣妥協經辦乾州自灣溪汎至強虎哨與鳳凰廳右營苗寨毗連亦爲喫重經該協阿林布會同該廳閻廣居添建碉卡尙有應增修嚴密挑築濠牆之處亦應一律均田練勇以實邊防其永綏一廳今昔情形不同現擬扼要移駐另摺

奏請

訓示俟欽奉

諭旨後與古仗坪保靖等廳縣一體籌酌辦理臣等統會全局公同熟商如此布置周密聯絡聲勢所有畱防兵勇擬於本年二三月間先撤添防官兵一千名四五月春耕後再撤添防鄉勇一千五百名秋收後將原防兵勇次第盡數裁撤其土塘二萬名原係從前畱防兵內裁減之數爲羈縻窮苗起見俟邊防完固永綏措置妥協後陸續全行減撤一切屯丁牛具籽種房屋修費酌量緩急通融撥借毋庸請項開銷其建立礮卡處所及均田屯勇章程統俟辦理完竣之日分別奏咨立案以垂久遠臣等札牘往來熟商畫一定議是以繕奏稍遲合併陳明所有臣

等會籌酌辦擬撤畱防緣由謹合詞恭摺具

奏

爲會查苗疆辦理均田輿情踴躍遵

旨覆奏仰祈

聖鑒事竊臣等於上年十月間因初彭齡在貴州具

奏楚省移駐永綏廳協及辦理均田屯勇尚須再行妥議欽奉

諭旨令將移駐事宜會同黔楚督撫體察籌議並均田一事是否輿

情所願亦著一併妥議等因欽此除永綏廳協業經內移民苗安

靜毋庸再議更張惟黔邊要隘處所應行遵

旨添設汛堡各事宜現已札商黔省督撫俟覆到日另容具

奏外其均田一事臣高杞抵任後當將節次體訪情形並將現辦均田著有成效各緣由業經覆

奏在案臣等伏思均田一事固專爲衛民起見然小民每多顧恤

目前產業倘因官爲督率稍涉勉強卽非固圉安民之善策當復札飭該道廳等悉心籌酌並一面詳加體訪查得楚南苗疆東南北三面周圍七百餘里乾隆六十年匪苗滋事如鎮筸之上下五崗乾州之灣溪鎮溪永綏之花園茶洞瀘溪之天塘踏虎麻陽之高村巖門以及保靖四都古仗坪之龍鼻嘴等各路民田或被佔據或被蹂躪不可勝計自大兵戡定後復於沿邊寸節修建壘堡礮卡哨臺關門環以兵勇邊民始得漸次復業

耕種惟是

國家經費有常防邊兵勇不能久而不撤遽行裁回則邊備空虛該處紳士兵民等於廢復情形均所身親目擊咸知身家非礪卡不能護保礪卡非練勇不能駐守練勇非屯田不能養贍是以一經傳鼎及辦理邊防之文武各員就近勸諭紳士兵民於復業各田內酌量均出以贍丁勇無不踴躍樂從各就地方情形秉公妥議鎮算一路自與黔交界之亭子關落潮井起東北至晒金塘舊司坪止邊長路雜處處與悍苗接壤共設礪卡八百餘座計挑選防守及備戰練勇六千名每名分別等次量授四五六七畝不等共需田三萬餘畝而鎮算各民戶所均並近

邊清出之田統計止得二萬餘畝其不敷田一萬餘畝經前督

撫臣書麟臣祖之望暨臣吳熊光會同前撫臣馬慧裕先後

奏明卽在同資碶卡保障之麻陽瀘溪二邑酌量分均旋於麻邑

各壘均出田二千九百餘畝又於瀘邑各壘均出田二千五百

餘畝外尚少田四千五百餘畝復據該二縣士民呈請應於麻

邑之河西河東暨上下鄉並瀘邑之浦市等處合力同均以補

鎮算之不足又乾州自強虎哨灣溪起至喜鵲營止共設碶卡

九十餘座募勇六百名約需田三千餘畝卽於乾州東南北三

鄉內一體均給耕守又保靖縣境內自保安汛起至萬巖溪止

設碶卡四十餘座募勇三百名約需田一千五百畝古仗坪境

內設碉卡十餘座募勇一百名約需田五百畝該二處山多田少恐均不足數卽就近查明苗典內地民田籌款贖回撥補分給至永綏廳協現已移駐花園茶洞此一路田土本屬無糧前因汛少兵單苗人越界佔種今已安設營汛建碉築堡酌挑壯勇二千名分佈防守俾痞苗無從入邊強佔將田土清丈分給民勇並現住邊內之向化良苗一體屯耕防守以歸周惠臣等竊思安邊之法除屯田而外別無長策在邊民逼處二策者固樂以有餘之產業而杜無窮之後患卽離苗較遠及散處後路者亦知唇齒相依衛外卽所以安內且所挑壯勇皆係各廳縣土著民人並非外來戍卒其得授田而耕者非捐戶之親族卽

本戶之子弟名爲均畝歸屯而實與各種已業無異卽瀘麻二邑內距邊稍遠之處丁勇不便往耕仍交本戶佃種酌量輸租亦不過分資餘粟藉以共保藩籬此外如近邊無糧墾田及贖

回苗典民田輸之於公亦祇官爲經理與各處均出田畝一律分勇承耕官吏不能藉以侵漁而丁民實可永資耕守且各該壯勇等旣久効力於邊防復皆嫻習於武藝倘或資生無策必致管束爲難是均田非僅以固圉並足以收數千百族之貧民轉爲駕輕就熟之用是以上年偶有乾麻二處生監以圍於私見欲圖控阻及曉以大義隨卽悉願均輸現有乾州麻陽瀘溪等各屬土民多人親至臣高杞衙門具呈以前此偶有一二人

之撓阻恐掩衆百姓之公忱呈詞剖白均極懇切真誠當卽傳
進逐加面詢僉稱屯勇原爲保護我等百姓即使均出養贍官
兵也是情願何況屯勇原就是我們衆百姓親族子弟自種自
守稍有知識者斷無不感激樂從因曉得有麻陽乾州生監幾
人前來控阻反將我等衆百姓公心埋沒特來具呈剖辯等語
隨用好言獎勵並告知事竣尙當

奏請分別加賞以爲義敦守望者勸該士民等無不歡欣叩感而
去臣等除一面札飭傅鼐等將未均田畝趕緊妥協辦理俟一
律均足另將丁勇田數詳細造具清冊並酌定經久章程一併
送部查核外所有臣等會議緣由謹合詞恭摺覆

奏

部覆屯田章程

爲遵

旨會議覆奏事內閣抄出湖南巡撫阿林保等具奏湖南苗疆東南北三面周圍七百餘里環列苗人二千餘寨自戡定以後籌修壘堡礮卡環以兵勇各該土民等咸願均出田畝以贍兵勇數年以來陸續丈收於上年十月內奏明未經授田鄉勇二千一百四十一名飭將各廳縣未均田畝一律趕均分撥耕守至裁存土塘苗兵九千九百三十六名本年自勦洗永綏苗寨之後遠近苗人願將從前強佔田地呈繳歸公並有逆苗叛產分撥

聖鑒

良苗佃種收租以資養贍均蒙

聖鑒在案茲據辰沅道傅彙稟報各路田地均已文收清楚酌擬鳳凰等廳縣共設屯丁七千名並挑畱備戰練勇一千名卽於均出田內撥佃收租其苗人呈繳佔田及查出逆產按歲租之所入於裁存土塘苗兵內酌畱五千名足敷贍給所有每年應發鄉勇鹽糧及土塘苗兵工食共銀八萬二千七百餘兩米六千三百餘石卽於本年十月初一日起全行停支現計各廳縣共均出歸公田六萬一百餘畝除分授屯丁承種及提作鄉勇鹽糧共田五萬六百九十餘畝外尙餘田九千四百餘畝自可召佃收租備充歲支公費無須另行籌項其應行儲備銀穀現在

無款可籌應卽酌量捐助以防荒歉而資緩急也如分設屯官
鈐束苗弁並訓練丁勇技藝嚴禁私典屯田以及稽查收支均
應立法勸懲並申明例禁毋許欺凌索擾除冊造均出田畝授
耕佃租各數暨均戶姓名清冊另行咨部立案並一切未盡事
宜咨俟次第辦理外謹酌擬章程八條另繕清摺謹會同署湖
廣總督臣瑚圖禮提督臣仙鶴林合詞恭摺具
奏等因一摺嘉慶十年十一月二十六日奉

批大學士會同該部議奏欽此欽遵於十一月二十九日抄出到
部臣等查嘉慶九年十一月內據調任湖廣總督吳熊光等具
奏鳳凰等廳縣截至嘉慶九年九月底止尙存鄉勇二千一百

四十一名苗兵九千九百三十六名仍令照例支食鹽糧工食
並將各處未均田畝趕緊清丈分給歸屯經戶部議覆在案今
據湖南巡撫阿林保等奏報各路未均田地丈收清楚酌擬章
程八條臣等查均田養贍丁勇原爲綏靖苗疆起見立法務極
周詳而成局期能悠久今各路均出田地共丈收六萬一百餘
畝酌於鳳凰等廳縣分設屯丁七千名按名授田耕守並挑畱
備戰練勇一千名卽於均出田內撥佃收租支給鹽糧其苗人
呈繳佔田及查出逆產亦經查清按歲租之所入裁存苗兵五
千名足敷贍給所有每年應發鹽糧工食銀八萬二千七百餘
兩米六千三百餘石於本年十月初一日起全行停支並申明

舊例禁止民人擅入苗寨以杜釁端辦理尙爲妥協至於設官以嚴約束訓練以精技藝名佃以裕經費捐廉以資接濟亦爲長久安定苗疆之道臣等按所奏八條悉心核議惟挑畱練勇一條應令該撫轉飭如有缺額卽行挑選壯勇募補足數以資捍禦召佃撥存餘田籌捐存貯銀穀清查逆苗叛產三條據稱毋庸報部第恐日久弊生有侵蝕虧挪情事應令年終將收支各數報部備查其餘四條均應如所奏辦理至一切未盡事宜應令次第酌籌核辦謹將核議八條另繕清摺恭呈御覽是否有當伏候

皇上訓示遵行

一該撫等奏明各路礮卡應酌派勇丁及分授田畝以資耕守也
 查湖南鳳凰等廳縣歷年籌修石工汛堡壘卡礮樓哨臺砲臺
 關門共一千一百餘座除分駐官兵外尚有八百餘座原奏鳳
 凰廳安設防丁六千名乾州廳六百名永綏廳二千名古仗坪
 廳一百名保靖縣三百名茲按地方之夷險礮卡之疎密分別
 派駐鳳凰廳止需防丁四千名其餘四廳縣仍按原數募駐並
 仿照貴州省九衛屯田之制於屯丁內挑設小旗總旗百總以
 資管束通計五廳縣共設屯丁七千名內散丁每名給田四畝
 五分小旗每名給田五畝五分總旗每名給田六畝五分百總
 每名給田七畝五分共給田三萬二千六百九十畝俱於均出

田畝內就近撥給於各屯卡居住耕守等語臣等伏查湖南鳳凰乾州永綏古丈坪保靖等廳縣與苗寨毗連原設勇丁以資防守今各丁均已授田歸屯據該撫等酌核情形共畱七千名分駐各廳縣仿照貴州省九衛屯田之制於屯丁內挑設小旗總旗百總與屯丁等分別授田共需田三萬二千六百九十畝俱於均出田畝內就近撥給分佈各屯住居耕守於邊防實有裨益應如所奏辦理

一該撫等奏稱鳳凰廳原挑精銳練勇應畱備攻戰也查苗疆五廳縣沿邊碉卡所駐勇丁每碉不過數名設遇匪徒滋事疎虞堪慮查鳳凰廳原挑備戰練勇一千名訓練日久甚爲精銳仍

應畱備攻戰之用惟此項戰丁習於戰陣農事非其所長且須專事操演難以分身耕作擬於均出田畝內酌撥田一萬八千畝責成該道督率該道管理召佃收租每年約收租穀一萬八千石每名每年給米三石六斗共需米三千六百石合穀七千二百石尙餘穀一萬八百石卽依時價變賣爲支給鹽菜銀兩之用內散丁每名每年給鹽菜銀十兩八錢小旗每名每年給銀十二兩總旗每名每年給銀十三兩二錢百總每名每年給銀十六兩八錢共需銀一萬一千二十八兩惟糧價貴賤無常難以預定如遇歉收不敷准於餘田租穀內撥補若豐歲有餘卽歸於餘田項下充公備用其遇閏之年應行加增鹽菜口糧

亦於餘田租穀項下通融撥給等語臣等伏查鳳凰廳原挑備
練勇一千名既據該撫等聲稱訓練有年甚爲精銳該省苗情
反覆不常應准其仍畱備用惟此項戰丁專事操防難以分身
耕作亦應如該撫等所奏酌撥田一萬八千畝召佃收租約計
每年可收穀一萬八千石除每年碾供穀七千二百石尙餘穀
一萬八百石於糧價稍昂之時儘數變糶照額定應給鹽菜之
數按月分別支放如遇歲收歉薄及有閏之年應行撥補加增
銀米統於餘田租穀項下通融撥給並將每年支銷細數於年
終造冊送部備查其練勇內遇有事故出缺仍令該撫如數募
充報部查核

一該撫等奏稱分撥存剩餘田酌議召佃收租以資經費也查各路碉堡哨臺等項皆係邊地要工自應隨時修葺又屯丁練勇常川摻防均須製給子葯而丁勇紅白事件應需惠賞並陣傷亡故丁勇眷口應給養贍及辦理一切苗務應需盤費飯食並修理倉廩暨倉書斗級工食等項兼有備戰練勇應加閏月鹽菜口糧尙需通融撥補均屬無項可支查現在均出歸公田六萬一百餘畝除分授屯丁練勇共田五萬六百九十畝外尙餘田九千四百餘畝應卽召佃收租每年約得租穀九千四百餘石變價充公除屯弁應支分例銀三千餘兩外所餘銀兩卽爲歲修工程等項之需至每年收支各數於年終呈詳院司查核

毋庸報部核辦等語臣等伏查鳳凰等廳縣均出歸公田六萬一
百餘畝除分授屯丁練勇田五萬六百九十畝外尙餘田九千
四百餘畝據該撫等聲稱該處歲修工程等費無款可支尙需
通融撥補應令卽以此項餘田召佃收租將每年收穫穀石變
價充公除支給屯弁分例銀兩外遇有興修經費及卹賞養贍
等需統於此內酌量撥用仍將每年收支各數於年終造冊送
部備查

一該撫等奏稱各路屯田應專設屯弁以資經理也查黔省屯制
分設衛千總九員以資管束惟屯弁並無領運之責應改爲屯
千總而南省屯丁防守礮卡亦與黔省屯軍不同尙須添設屯

把總外委藉資分管鳳凰廳擬設屯千總四員屯把總四員屯

外委八員額外八名乾州廳擬設屯把總一員屯外委一員屯

額外二名永綏廳擬設屯千總二員屯把總二員屯外委二員

屯額外二名保靖縣擬設屯外委二員屯額外一名古仗坪廳

擬設屯把總一員以上五廳縣共設屯弁四十員名即於廳標

現任候補把總外委及歷年管帶勇丁之百總熟悉邊情之營

弁內遴選挑補並於鳳凰廳現設屯弁內酌派屯千總二員屯

把總二員屯外委二員屯額外二名飭令管帶備戰練勇勤慎

參演仍各歸廳縣管轄總隸於辰沅道統屬並照黔省屯制定

以五年俸滿如果所管屯勇技藝純熟安分力田及備戰勇丁

訓練有方著有成效屯把總外委額外遇有缺出遞相拔補千
總准以苗疆守備題補其散丁小旂總旂百總等有勤能出色
者亦由該屯弁稟明廳縣據實舉報以次拔補其屯千總把總
亦照營員咨部給劄外委額外由道發委詳請咨部至所設屯
弁亦當籌給分例應照營制千總每員歲支銀一百八十餘兩
把總每員歲支銀一百四十餘兩外委每員歲支銀五十餘兩
額外照馬兵分例每名歲支銀三十餘兩共歲支銀三千餘兩
均於餘田租息項下支給等語臣等伏查湖南鳳凰乾州永綏
古丈坪保靖五廳縣沿邊碉卡旣分派勇丁駐紮屯防自應添
設員弁經理以資彈壓如該撫所奏准其於鳳凰廳添設屯千

總四員把總四員外委八員額外外委八名乾州廳添設屯把
總一員外委一員額外外委二名永綏廳添設屯千總二員把
總二員外委二員額外外委二名保靖縣添設屯外委二員額
外外委一名古丈坪廳添設屯把總一員卽在於廳標候補州
總外委管帶勇丁之百總及熟悉邊情之營弁內遴選挑補並
准其於鳳凰廳現設屯弁內酌派屯千總二員把總二員外委
二員額外外委二名飭令管帶練勇勤慎摻演一切耕守事宜
盡心經理仍各歸廳縣管轄總隸辰沅道統屬考核千總把總
拔補時咨部給劄外委咨部註冊額外外委由該道發給委牌
造冊報部千總一項五年俸滿如果實心經理訓練有方苗民

相安地方寧謐由該道保送該督覆加考驗出具考語送部引見同任以苗疆守備題補其尋常供職之員尙無遺悞准其畱任咨部換劄其把總外委額外外委并小旗總旗百總著有勤能者准其隨時拔補如該弁等怠惰廢弛卽隨時咨革毋得稍事姑容至所設屯弁應籌給分例照營制千總每員歲支銀一百八十餘兩把總每員歲支銀一百四十餘兩外委每員歲支銀五十餘兩額外外委照馬兵分例每名歲支銀三十餘兩共歲支銀三千餘兩旣據該撫聲明在於餘田租息項下支給應令就欸開銷

一該撫等奏稱籌捐存貯銀穀以備荒歉並資接濟也查各路屯

丁練勇豐稔之年自己足敷食用惟年歲豐歉靡常或遇青黃不接之時必須預爲籌備查黔省九衛屯田案內奏明動項採買米二萬七千餘石合穀五萬四千餘石分貯各壘堡以資糶借今湖南平苗軍需報銷內有例不准開銷及續行核減共銀九十五萬三千餘兩先後奏咨於督撫兩司道府州縣養廉內攤賠嗣經議定每年攤扣三成約計扣銀三萬兩應扣至嘉慶三十四五年清完仰懇

聖恩俯准展扣二年將嘉慶十一年十二年每年約扣三成養廉銀三萬兩共銀六萬兩爲捐備前項之用請先於司庫籌欸借撥發交該道傅鼐將二萬兩存貯辰沅道庫遇有應行借墊之項

詳明動撥隨時歸補動銀四萬兩於糧價平減之區採買穀四萬石內撥貯鳳凰廳二萬五千石乾州廳三千石永綏廳一萬石古仗坪廳五百石保靖縣一千五百石分別收貯如遇年歲歉收及青黃不接之時詳明借濟秋後免息收還至所需倉廩約計每穀四百石建廩一間共需籌建倉廩一百間約需銀一千餘兩應卽於餘田租穀項下動用本年先行籌撥銀三萬兩發給傳單以二萬兩先買穀二萬石分撥收貯以一萬兩存貯道庫備用餘再陸續借撥足數分別貯備仍將十一十二兩年攤扣養廉先儘歸還此項借款再行接扣軍需賠項等語臣等伏查鳳凰等廳縣屯丁練勇均已授田收租豐稔之年計已足

敷食用惟遇收成歉薄及青黃不接之時則艱食堪虞自應預
爲籌備據該撫等奏請將湖南省攤賠軍需案內嘉慶十一
二兩年共應扣養廉銀六萬兩展扣二年以資捐備前項之用
係爲該省辦公起見且於軍需賠項仍可致虛懸應准其先
行借扣其所請於司庫內預爲借動發交辰沅道庫銀二萬兩
遇有應行借墊之項詳明動撥隨時歸補其餘銀四萬兩於糧
價平減之區採買穀四萬石分撥鳳凰等廳縣加謹收貯如遇
丁力拮据酌量接濟均應如所奏辦理至建置倉廩估需銀兩
旣據聲明係在餘田租穀項下動用應令就欸開銷仍將司庫
先借支銀三萬兩並續行動借銀兩於該撫等應得十一十二

兩年養廉銀內先行攤扣歸款並將扣還各數按年分晰報部
查核其道庫存貯銀兩各廳縣分貯穀石併今年終造冊送部
備查

一該撫等奏稱屯丁技藝應嚴加訓練並隨時稽查也查安設屯
丁原以鞏固苗疆其備戰練勇則專資攻剿所需鎗械均已分
別製給自應因時操練咸成精銳惟屯丁俱有耕種之事不能
照營規操演每年應俟收割以後於十月初一日起至次年正
月底止逢三六九日開操仍於春夏秋三時農工稍暇之際督
令不時演習其備戰各丁既無事於耕作應卽照營制例每年
自七月初一日起至次年四月底止責成專派管帶之屯弁按

三六九日勤加訓練倘各丁內有農業不勤技藝不熟甚或不
 守屯規酗酒滋事以及私擅離伍許廳員分別究革撤田另補
 倘百總等有心狗隱及屯弁失察徇縱卽一併究懲仍令道廳
 隨時查察若不寔力稽查亦照例分別參處至授田各丁多係
 捐戶子弟親族及出力之丁勇自應令其且耕且守奉爲世業
 該屯丁內或有年老辭退或病故出缺卽於該丁子孫內選擇
 承頂若無人可補另行撤田募充不許私行典賣仍將頂充姓
 名詳註檔冊以備稽查等語臣等伏查安設屯丁原以捍衛苗
 疆自應嚴加訓練咸成勁旅如該撫奏稱耕種之子不能照營
 規操演請於每年收割以後自十月初一日起至次年正月月底

止逢三六九日開操仍於春夏秋三時農隙之際不時演習其
備戰各丁既無事於耕種應卽照營制於每年七月初一日起
至次年四月底止責成管帶屯弁按三六九日勤加訓練倘各
丁內有農業不勤技藝不熟以及不守營規酗酒滋事擅離營
伍情事許廳員分別究革倘百總等有心徇隱及屯弁失察徇
縱卽一併懲處仍令道廳隨時查察若不實力稽查照例分別
參處等語均應如該撫所奏辦理至授田各丁各係捐戶子弟
及出力之丁勇自應令其且耕且守奉爲世業應令該撫如該
屯丁內或年老辭退及病故出缺卽於該丁子孫內選擇承頂
倘無人可補另行撤田募充不許私行典賣

一該撫等奏稱嚴禁民人擅入苗寨索詐欺凌以期民苗相安也查舊例民人原不准擅入苗地自乾隆二十九年以苗人向化日久准與內地民人姻婭往來漸資化導而日久弊生苗人遂藉口客民盤剝侵佔糾結滋事現在苗民界址劃分清楚應申明舊例漢民仍不許擅入苗地私爲婚姻以免滋事惟各處集場原許民苗按期趕趁應令汛屯員弁親爲彈壓無許市僧侵欺其有苗人控訴詞訟卽令苗弁傳送秉公審結不許擅差兵役入寨倘有奸民無故擅入苗地及不肖兵役私入索擾立即懲究廳縣營汛失於查察亦分別參處等語臣等伏查鳳凰等廳縣民苗雜處邊隙易生從前原禁止往來嗣因苗人馴化有

年始有與內地民人約爲婚姻以及在內開墾等事遂致苗人
藉口侵欺糾結滋擾現在苗境肅清不可不防其漸應如該撫
所奏此後仍不許漢民擅入苗地惟各處集場仍准其按期趕
趁並令汛屯員弁親加彈壓至苗人詞訟卽令苗弁傳送不許
兵役入寨倘有奸民擅入苗地及兵役索擾立卽懲辦該管官
失於覺察亦卽參處

一該撫等奏稱清查叛產估田分佃收租贍給苗兵也查本年勦
苗永綏各處苗匪之後羣苗震懾兵威將從前強估田地盡數
繳出並查有逆苗叛產酌議一併歸公分佃良苗承種納租卽
可挑畱苗兵以資養贍現在各寨繳出估田逐一清丈共田地

三萬一百餘畝並清查逆苗叛產亦丈收田地五千四十餘畝
共三萬五千一百餘畝俱經分別造冊分佃收租計可養贍苗
兵五千名所有歷年裁存土塘苗兵九千九百餘名內有可以
自行謀生裁令歸寨及老弱窮苗一體撥田承佃外現在挑畱
壯健苗兵五千名內鳳凰廳二千名乾州廳八百名永綏廳一
千八百名古仗坪廳一百名保靖縣三百名其苗人應繳租糧
經各苗弁於各苗寨內自行擇地建倉以備收貯每倉公舉殷
實苗弁二三名專司催收支放計前項田地三萬五千餘兩約
計每年可收籽粒二萬二千餘石每苗兵一名歲給口糧三石
六斗每年共需糧一萬八千石計尙存籽粒四十餘石積有苗

倉以備撥補併爲加給苗兵閏月口糧之需仍飭該苗備弁將
每年收得租數據實具報等語臣等伏查永綏廳各處清查各
苗佔田叛產共田三萬五千一百餘畝據撫察核情形將節年
裁存土塘苗兵九千九百餘名除分別佃田歸寨外餘仍酌留
苗兵五千名卽將此項田畝分佃良苗納租每年約計可收籽
粒二萬二千餘石每苗兵一名歲給口糧三石六斗共需糧一
萬八千餘石餘糧存貯苗倉留爲不敷之用所奏亦屬可行仍
令該撫飭令選舉殷實苗弁將苗人繳出租糧存貯公倉專司
收放並於年終將收支各數造冊送部備查

訓練說

兵懦而不精銳詎能殺敵致果驕而無紀律詎知抗節效忠有
勇知方顧不重歟歷觀古名將如曹南院之數千甲士環立待
命寂然無人馬聲岳少保之城由易撼岳家軍難惟其士之訓
練有素技藝精嫻而約束堅明故能用少擊衆所向無前其在
苗疆之中宋史稱辰州團練使秦再維練土兵三千人皆能披
甲渡水歷山飛塹又遣親校三十人分使諸蠻宣布

朝廷威德自是一方又安無復邊患則又練民勇之成效矣今制沿
邊營汛之外屯練七千名軍制不爲不盛果其勤於操練俾人
皆習於步伐止齊暇日教以兵法講明孝弟忠信勇則盡百金
之士義則有君子之號頑苗近在郊野自當聞風震懾卽偶有

騷動而以輕剝之衆當節制之師鮮不立見芟除者是在各弁
之各勤其職而總理屯練者督察有方賞罰無私耳特詳訓練
規條於後

訓練條規

備戰練勇每年七月起開操至次年四月底止管帶屯弁按照
三六九日勤加訓練每季兵備道示期大操一次

屯丁每年自十月初一日起開操至次年正月月底止管帶屯弁
按照三六九日操練仍於春夏秋三時農隙不時演習每年兵
備道於正月內示期大操一次

火器鎗手

黎明打靶跳刀 初一平靶初二上下靶

早飯後演五七十子習拳棍綁鉛瓦跳高 每日空比五日放響一次

晚飯後至二更拉弓聽講孝經武經

刀矛手

黎明習刷刀長矛綁鉛瓦跳高習藤牌

早飯後習拳棍雙刀單刀鐵尺

晚飯後至二更拉弓聽講孝經武經

砲手

黎明扛砲扛背子葯至教場周圍快楚三次

早飯後跳瓦打棍綁鉛瓦跳高

晚飯後至二更拉弓聽講孝經武經

百總總旗

黎明帶勇丁操演並習本身馬步箭

早飯後習刷刀長矛短刀綁鉛瓦跳高

晚飯後拉弓習拳輪講孝經武經

屯標各弁

黎明摻演勇丁並習本身馬步箭

早飯後操練勇丁並習本身刷刀長矛短刀

晚飯後帶同營書百總總旗勇丁拉弓講孝經武經

屯弁跟役照散丁一體操演

天氣清明涼爽之日各帶鉛瓦於五更爬坡捷行山路十數里
 風雨泥濘之時亦於黎明帶鉛瓦爬坡習慣勞苦
 每月於教場乾燥之時早晚赴深潭演習水戰

朔望聽講

聖諭

(Faint bleed-through text from the reverse side of the page)

苗防備覽述往錄上

五溪爲南維奧區地險風悍伊古以來未有能晏然者或整撻
伐之師或嚴防維之術有事變卽一代之設施乘其間凡茲遠
猷碩畫皆昔賢格人竭心力早夜以圖者也語曰前事者後事
之師爰編輯舊乘依類以分曰事畧曰經制曰前哲作述往

事畧

虞帝舜時有苗昏迷弗恭帝命禹徂征三旬苗民逆命益贊於禹班
師振旅帝乃誕敷文德舞十羽兩階七旬有苗格
商高宗時蠻叛商頌撻彼殷武奮伐荆楚

周宣王時荆蠻叛王命方叔討之蠻來服於是采芑之詩

匡王時楚大饑庸人帥羣蠻以叛楚秦人巴人從楚師以伐庸羣蠻從楚子盟遂滅庸

赧王三十八年秦蜀守張若攻楚取巫郡及江南爲黔中郡

三十九年楚西取秦所拔我江旁十五邑以爲郡拒秦益賞效禹莊漢建武十九年左郎中將臧宮擊武溪賊至江陵降之

建武二十三年十二月南蠻精夫相單程等叛寇郡縣遣武威將軍劉尚發兵萬餘人乘船泝沅水入武溪擊之蠻民屯聚守險尚食盡引還賊緣路邀戰尚軍大敗悉爲所沒

三十五年伏波將軍馬援率中郎將劉匡等將軍至臨沅遇賊迎擊破之賊走散入深林進營壺頭會暑甚士卒多疫死援亦中病卒

監軍謁者朱均矯制告諭悉降之

元初三年澧中蠻四千人並爲盜賊又零陵蠻羊孫陳湯等著赤情
稱將軍燒宮寺抄掠百姓州郡募善蠻討平之

永和元年武陵太守上書請增蠻苗租賦尙書令虞詡諫不聽冬澧
中澧中蠻殺鄉吏舉種叛

二年蠻一萬圍充縣八千寇夷道武陵太守李進討破之斬首數百
級餘皆降服

元嘉元年武陵蠻詹山等四千餘人叛拘執縣令屯結深山
永興元年武陵太守應奉以恩信招叛蠻降之

延熹三年武陵蠻寇江陵車騎將軍馮緄討之皆降服

五年壬寅冬十月武陵蠻叛寇江陵辛丑以太常馮緄爲車騎將軍討之十一月馮緄大破叛蠻於武陵

建安末武陵蠻反孫權以黃蓋領太守擊敗之追斬其魁亂遂平
嘉禾三年吳太常潘濬鎮南將軍呂岱共平武陵蠻

晉永嘉初荊州都督王澄以南平太守應詹督南平天門武陵三郡軍事天門武陵谿蠻並反詹討降之破銅券與盟其後天下大亂詹境獨全

咸和四年長沙郡公陶侃遣諮議參軍張誕討五溪蠻降之

齊建元中武陵西溪蠻田思飄爲寇內史王文和討之引軍深入蠻自後斷其糧豫章王遣中兵參軍臧明將五百人合湘州鎮兵千

人救之思飄與文和拒戰中弩死蠻衆以城降

永明初巴建蠻向宗顯與黔陽蠻田豆渠等五十人爲寇巴東太守王圖南遣司馬劉僧壽等斬山開道攻其砦宗顯夜燒砦走

唐開元十二年五溪首領覃行章亂詔楊思勗爲黔中招討使督兵往執行章斬首三千級

元和六年黔州大水壞城郭觀察使竇羣發溪洞蠻以治之督役太急辰渝二州蠻反羣討之不能平賊帥張伯靖寇播州費州八年遣黔中經畧使崔能荆南節度使嚴綬等先後來討伯靖上表請得隸荆南乃降崔能內恨之更請調兵爲援納西原十洞兵皆出可以成功議者皆以爲便宰相李吉甫以伯靖挾怨而叛壓以大

兵不戰自定乃命能兵毋出獨詔嚴綬招之伯靖率家屬詣江陵降

中和三年苗首雷滿等寇陷朗衡澧諸州分據其地自署刺史

後梁開平三年辰州蠻酋宋鄴敘州蠻酋潘金盛數擾楚邊至是鄴寇湘鄉金盛寇武岡楚王馬殷遣昭州刺史呂師周將兵討之

乾化時辰州蠻酋宋鄴敘州蠻酋昌師益皆率衆降於楚

後晉天福四年溪州刺史彭士摠率錦獎州蠻萬餘人寇辰澧楚王馬希範命靜江指揮使劉勅決勝指揮使廖匡齊帥兵討之

五年楚劉勅等因大風以火箭焚彭士摠寨士摠逃入錦獎深山遣子師暉帥諸酋納溪錦獎三州印請降於楚希範自謂伏波之後

以銅五千觔鑄柱銘誓狀於上立之溪州

宋景德二年辰州諸蠻攻下溪州刺史彭儒猛擊走之

大中祥符六年辰州溪洞都指揮使魏進武率山獠數百人數寇城
砦朝廷不欲發兵窮討乃詔招諭之

天禧元年溪州刺史彭儒猛叛二年閏月辰州都巡檢使李守元率
兵入白霧圍擒蠻寇十五人斬首百級降其酋二百餘人知辰州
錢鋒等入下溪州破砦寨斬蠻六十餘人降老幼千餘五月儒猛
因順州蠻田彥晏上狀請降許之

天聖初下溪州蠻彭仕漢誘羣蠻爲亂其父儒猛以聞右侍禁史方
勒兵入溪洞討捕降其黨李順同等八百餘人誅其尤惡者杜忽

等十九人儒猛遣別子仕端殺仕漢朝廷嘉其忠降詔獎諭

至和二年彭師寶舉族趨辰州告其父仕義殺誓下十三州將奪符印並有其地自號如意大王補置官屬將起爲亂十月仕義內寇詔湖北路發兵捕之知辰州宋守信等率兵數千深入討伐仕義遁他峒不可得俘其弩及銅柱官軍戰死者十六七守信等坐貶嘉祐二年以彭仕義數入寇遣三司副使李參文鈴轄竇舜卿侍御史朱處約轉運使王綽大出兵臨之馳檄招諭仕義懼請降

熙寧五年湖北提點刑獄趙鼎言峽州舒光秀刻剝無度蠻衆願內屬辰州布衣張翹亦上言南北江利害詔下知辰州劉策商度策請如翹言乃遣章惇爲湖北路察訪使經制之

八年提點刑獄李平招納彭師晏誓下州峒蠻張景謂彭德儒向永勝覃文猛覃彥霸各以其地歸版籍師晏遂降十二月詔修築下溪州城并置砦能灘南岸賜新城名會溪新砦名黔安

元豐元年三月辰沅獠賊寇邊州兵擊走之十一月辰沅獠賊叛詔沅州兵討之

二年詔知沅州謝麟督捕獠賊麟且捕且招一方以寧

崇寧二年辰溪獠叛殺渝浦令蔡京重爲募殺一首領者賜緡三百官以班行且不令質究本末荆南守馬城言有生獠有省地獠今未知叛者何種若計級行賞懼不能無枉濫蔣之奇恐忤京意白城不能體國京乃罷城命舒亶代之以勦絕羣獠爲期亶平辰

沅兩州獠賊

乾道六年盧陽西據獠楊添朝寇邊知沅州孫叔傑調兵數千討之
敗績初獠人與省戶交爭殺一人叔傑輒出兵破其十三柵奪還
所侵地於是獠人相結爲亂諸司請調常德府城兵三百人益官
兵三千人合擊討之宰臣虞允文言蠻獠爲變皆守臣貪功所致
今獠人仇視守臣若更去叔傑量遣官軍示以兵威徐與盟誓自
可平定帝允其奏俾葉行代叔傑開示恩信諭以禍福邊境悉平
淳熙十一年沅州界狃狔副峒官吳自由子三人貨丹砂麻陽縣巡
檢唐人傑誣爲盜執之送獄自由率峒官楊友祿等謀爲亂帥司
調神勁軍三百人及沅州民兵屯境上聲言進討先遣歸明官田

思忠招撫之以孔目官爲質友祿等旣盟自由取其三子以歸

元至元二十一年詔四川南道宣慰使李忽蘭吉等分兵進取五溪
洞蠻時思播以南施黔鼎澧辰沅之界蠻獠叛服不常至是討之
諸將鑿山開道綿亘千里諸蠻設伏險隘木弩竹矢伺間竊發悉
擒殺之復遣諭諸蠻酋長咸率衆來降獨散毛洞潭順走避崑谷
力屈始降

二十九年辰州蠻叛副樞劉國傑僉判唆太蘭往討之不利徵辰澧
弩士三千湖廣平章哈喇孫哈以民弗習戰強之徒傷吾民弗許
右丞禿忽魯言漢軍不習弩因蠻古所利也遂與之果大勝

三十一年諸軍出征交趾施溶知州田萬石魯萬丑孟再師叛諸洞

蜂起行樞密以副萬戶田興祖征之朝命平章行樞密院劉二霸都率僉院唆木蘭暨諸翼萬戶詣辰州命興祖畫山川形勝圖指示道路征勦擒萬頃再師萬丑斬之滅其族

至正六年湖廣猺寇亂靖州猺賊吳天保昭黔陽武岡溆浦諸郡縣湖廣右丞沙班率師討之尋敗沒天保遂有衆六萬餘

七年猺賊吳天保復寇沅州陷溆浦辰溪縣所在焚掠無遺

九年猺賊吳天保陷辰州

十二年賊攻辰州達魯花赤和尚擊走之

十六年賊寇辰州守將和尚以鄉兵敗之

明洪武五年辰澧諸蠻作亂帝命鄧愈為征南將軍以江夏侯周德

興江陰侯吳良爲副討之愈帥楊璟黃彬出澧州討散毛諸洞德興出南寧討婪鳳安田諸州良帥平章李伯昇出靖州討會同五開潭溪吉安陸衛指揮使吳復攻九溪辰州諸蠻一時悉平

十四年五溪蠻亂江夏侯周德興已老力請行帝壯而遣之賜書褒美德興帥指揮僉事張銓等至五溪蠻悉散走會四川才盡源通壩坪諸洞作亂仍命德興進討平之是年鎮筸治古荅意苗首亂命總兵官楊仲名率師征勦尋就招撫

永樂五年鎮筸苗復叛命總官張綱統軍征勦餘黨亦各就招

十二年筸子坪賊吳者泥自稱苗王與蠻民苗金龍等爲亂總兵官梁福平之

十六年吳者泥子擔竹復誘苗吳亞麻糾貴州荅意諸蠻叛都督蕭授斬平之

宣德初鎮遠邛水奧洞蠻苗銀總苗章奴父子劫殺捕兵總兵官蕭授調辰沅諸衛兵萬四千人勦之會清浪衛指揮張名克奧洞盡殺其黨銀總遁去

五年治古荅意二長官石各野等聚衆出沒銅仁平頭瓮橋諸處誘脅蠻賊石雞娘并孛子坪長官吳畢郎等共爲亂蕭授築二十四堡環守之兵力旣分其黨吳不爾等遂掠殺清浪衛鎮撫葉受益加猖獗授復遣張名擊破之

六年鎮筸苗龍三白大蟲黃老虎石計聘等結貴州銅仁平頭苗復

叛詔都督蕭授都御史吳榮等戴罪征討乃冒暑夜馳抵池河掩殺賊黨竄伏久諸苗糧絕乃出降

七年蕭授討辰州蠻擒其酋八十斬馘無算是時殘苗吳不爾等遁入篁子坪結生苗龍不登等攻劫湖廣五寨及白崖諸寨爲患滋甚詔聽授便宜勦撫不從中制

八年蕭授發黔楚諸軍分道進篁子坪前後生擒賊首吳不跳等二百一十二人斬吳不爾王老虎龍安軸等五百九十餘級餘黨悉平獲賊所掠軍民男婦九十八口給所親領之擒賊婦女幼弱千六百餘口給與從軍將士械獻吳不跳於京師

景泰六年湖廣苗叛拜方瑛平蠻將軍率京軍討之

天順元年方瑛與尙書石璞移兵天柱率陳友等分擊天堂小坪墨溪二百餘寨擒偽侯伯以下百餘人

成化十六年鎮筮苗叛燬麻陽縣治至沅州界

宏治中鎮溪苗龍麻羊與銅仁苗龍童保聚衆攻剽土官李椿等實縱之筮子坪百夫長龍真與通謀後遂四出劫掠遠近騷然先後守臣莫能制

正德三年湖廣鎮溪所洞苗聚衆攻劫酉陽宜撫司及邑梅長官司奏請兵勦撫

六年湖廣巡撫劉丙進討筮子銅仁苗賊賊入連山深箐爲拒守計丙率師破其數寨賊走據天生崖及六龍山貴州巡撫沈林兵繼

至連攻破之前後擒龍童保等二百人斬首八百九十餘級都指揮潘勛又破鎮筸諸寨擒龍麻羊等百六十人斬首級如前餘賊悉遁

八年兵攻畱絞洞斬獲千餘撫苗三百餘委兵備徐潭指揮高勲知府戴敏指揮王爵等搜捕餘苗

嘉靖十五年貴州銅仁司且逞寨吳柳苟糾黨攻劫思石道兵備田汝成及守備荀瑞令平茶司土官楊再顯招撫許勝叛地酬功付以銅仁司契券再顯招安苗賊貴州巡撫不允給地取契焚之賞以銀千兩再顯失所圖遂煽苗爲亂荀瑞因之失職

十六年以都指揮邵鑑代之鑑詭言湖廣苗人聽銅坪叛苗糾曳所

劫物藏於篁子坪龍老恰龍黨叟寨內鎮篁守備陳表令土官田興爵誘出二苗擒解辰沅兵備道監候老恰斃於獄黨叟尋放釋十八年老恰男母叟見父死深恨田興爵遂聚衆劫該司得禾冲等二十一村其後大小畧蠻與亞酉諸寨苗龍求兒等糾銅坪苗劫奪油蓬平頭五寨等處守備陳表被劫回衛以清浪衛指揮朱衣守備鎮篁歲荒軍缺食朱衣借銀糴穀百餘石調集鎮溪所上六里土兵六百委土指揮田應朝督率

十九年正月進入椽木坪遣苗頭廖羊保詔諭是時苗尙知懼寨出牛馬求退師三月五寨司苗侯荅保誘篁子坪團溪板粟惡黨及銅仁且逞諸苗出劫麻陽譚家村又鎮溪亞酉苗龍柳比叛掠平

頭管理龍騰霄掩捕被傷苗遂屯臘耳山辰沅兵備李瑜調永保
土兵委平溪衛都指揮高岡鳳同朱衣率保靖兵六百進抵篁子
坪惡黨寨委沅州衛指揮周寶領永順兵四百進抵五寨司步欵
寨前撫定大小畧變排那孟叟亞保回崖口等十一寨苗頭龍遠
吳得狗等咸請隨征生擒首惡龍答已等七十七名俘賊屬五十
二名並擒侯荅解道瑜又遣辰州衛守備尤欽傳啟忠同高岡鳳
督永保鎮溪兵一千進臘耳山斬獲苗首三十八顆生擒一人功
幾成適撫按火牌令退隨將叛苗餘黨招撫安置

二十一年篁子坪烏牌寨苗龍母叟糾合龍求兒及銅坪苗攻麻陽
縣朱知縣中途遇執以計脫湖貴撫按以聞

二十二年詔萬鏜爲副都御史勦撫叛苗初湖貴間有山曰臘耳諸苗居之東屬鎮溪千戶所箠子坪長官司隸湖廣西屬鎮仁平頭二長官司隸貴州北接四川西陽廣袤數百里諸苗數反官兵不能制是年三月貴州作亂流劫麻陽諸處乃以鏜往勦撫六月鏜遣指揮李勇參將高岡鳳等督令苗官田應朝及永保兩司撫出龍求兒龍母叟等及貴州守備邱潤撫出麻得盤吳且逞等共五十餘人萬鏜臨辰州再加招諭不從乃調永保酉平兵及官軍二千令辰州守備尤欽指揮吳山河清沅州指揮葉森督永順宣慰彭宗舜及鎮溪土官田應朝領兵入高巖立營守備鐵冠辰州指揮賀鳳陳官督保靖宣慰彭蓋臣并箠子坪土官田興爵等領兵

入椽木坪立營守備周寶荀瑞辰州指揮張一夔督防守五寨麻陽土官於丫刺關立營鎮守備李英往來提督俱聽參將高岡鳳指揮潘璵調度勢極張大次第搜山斬獲甚多因暑雨難運瘴毒易生遂班師量畱永保土兵與鎮守五寨兵相兼防守

二十三年萬鏜納土指揮田朝爵策誘致其酋督兵破之鏜奏龍母叟雖降其罪大宜置重典命置遼東

二十五年湖貴苗復叛萬鏜征之不克乃授其魁龍許保冠帶湖苗暫息而貴苗反如故萬鏜復臨辰州集兵討苗有言鎮溪土指揮田應朝可任使鏜因署爲巡捕而應朝實狡黠故功久未成鏜招苗酋必得質乃出以千戶往苗酋來見鏜執以聞誅之苗亦殺質

千戶繼遣監司詣賊營諭撫犒以牛酒予其魁龍許保冠帶湖苗苦兵聽撫而貴苗未大創陽許之遂罷兵鏜爲刑部尙書未幾龍許保吳墨苗復叛

二十六年湖貴苗連歲作亂四川巡撫劾貴州巡撫王學益養寇玩兵致苗猖獗流毒異省詔捕治學益

二十七年召萬鏜還未幾銅坪酋龍子賢復叛御史繆文龍言鏜勦撫皆失乃命張岳總督湖廣貴州雲南四川軍務討之次年岳至議者猶謂撫便會苗復寇旁縣於是力主用兵令參政王崇輯撫湖苗及近貴諸寨以庚戌九月進兵討破之俘斬二千餘執許保母女妻妾尋購獲許保捷聞罷兵畱參將石邦憲等搜捕三十年

二月許保黑苗復糾附貴叛苗寇思州府詐爲瞿塘踐更卒猝入城殺居民掠帑藏執知府李允簡等去邦憲等亟分兵邀其歸路諸苗懼縱允簡等歸遁入林箐時酉陽宣撫冉元實陰主賊掠思州岳祕之檄與永保二宣慰會兵討湖苗助逆者斬其渠首數十人餘黨復定而田應朝恣橫尤甚又合酉陽兵攻平茶多阻撓宜軍岳召之不出偵其恃叔田勉悍驚爲牙距執勉杖殺之應朝懼竄入苗寨自陳許以功贖又不出削其巡捕應朝勢益窮困因永順宣慰投見岳令從征誅之時諸苗畧定惟許保黑苗未獲邦憲賄撫苗麻得盤等偵許保至龍田寨醉縛之疏聞伏誅諸守臣爭欲罷兵岳以黑苗未除必生患乃縱還其親黨而密督諸士官索

之

三十一年石邦憲以計購烏朗土官田興邦等斬吳黑苗湖貴悉平
三十九年淑浦猺沈亞當等爲亂殺龍潭巡檢劉某生員唐元宗事
聞總督石勇檄貴州總兵官石邦憲討之生擒亞當斬獲賊二百
有奇

萬歷十四年以蔡國珍爲湖廣右參政分守辰沅洞蠻亂國珍檄諭
之遂定

十五年苗刺殺篁子哨督備指揮高松喬官兵莫敢誰何

天啟元年城步猺寇邵陽猺奉雲山淑浦猺卜前溪等乘間作亂命
將軍林某討之

崇禎十年鎮筓苗出劫麻陽殺虜最酷

明末苗種日繁奸民竄入者亦變爲苗往往出劫鄉村辰沅瀘麻諸邊地幾無寧歲而鎮筓乾州更遭荼毒厥後徐祁馮莫四都督進剿斬苗萬餘級患始稍戢

國朝

康熙二十四年八月苗出劫鎮溪所魚梁坳守備徐進朝統兵追之深入補頂寨遇伏陷把總三員兵七十邊民數十人辰州左都督郭忠孝統軍進討總督巡撫卽以郭忠孝爲總統以分巡道王舜年爲監軍知府劉應中爲督運遣各大營兵將調永保二土司兵助戰降沿邊三岔等二十五寨生苗排那等一十三寨仲冬攻破

地良坡及爆木營斬苗二千七百餘級生擒吳老覽等十五人首
賊吳二過吳老叟殲於陣十二月追至打蟲等寨復斬苗二百餘
生擒二十一人時王舜年已入都卽以劉應中署其職

二十五年正月初六日苗復聚革多等寨總統郭忠孝乘雪夜潛從
排那分軍而進次日黎明會師斬逆苗三百餘級生擒石老蟲等
二十五苗餘賊奔入天星寨憑險固拒我軍圍之急十二日賊突
圍欲逃奮擊之斬殺墮崖死者無算劉應中與郭忠孝憐其久困
招諭之二月遂率衆來降

三十二年勞神寨苗復叛都司王濶討之

三十七年逆苗千餘攻陷官兵七十餘人都司劉士璩幾爲所害初

副將劉魁龍縱下虐苗至是挾怨叛

三十八年苗復殺虜官兵數百把總郎得功陷焉參將朱紱奉檄統楚兵及永保土司進剿得不償失

四十年鎮筓鎮令中營遊擊沈長祿等將兵七百餘名攻苗老家寨而馬鞍山毛都塘等千餘寨羣出衝陷守備許邦恒千總孫清及官兵一百二十餘人

四十一年麻陽生員李豐等以苗害懇於

朝

四十二年九月二十日

命禮部尙書席爾達副都統圖思海徐九如荊州副都統朱滿督師

來討十一月十二日軍至鎮筵苗望風歸誠者三百一寨二十七
日席爾達朱滿督軍次天星寨迤東燉木營立營令提督俞益謨
帥兵攻取天星寨龍蛟洞排六梁等寨令貴州提督李芳述攻取
糯塘山上下葫蘆兜河等寨令廣西提督張旺攻取馬鞍山打郎
寨老山等寨令鎮筵總兵官雷如攻取毛都塘老家寨兩投陽湄
亮寨七兜樹等寨十二月初十日席爾達等自燉木營同總督喻
成龍巡撫趙申喬督師應援十三日令長沙副將高一靖等分兵
四路前進俞益謨攻天星寨苗恃險不動十四日令大同參將許
士隆諸軍攀巖上攻逆苗六七百人迎戰敗之苗懼欲竄高一靖
軍從龍蛟洞夾攻自午至未殺苗四百九十三人生擒八人天星

寨苗大懼乞降二十一日高一靖軍由箐西口入天柱參將吳郡
軍由箐西口入大同參將許士隆軍由箐南口進永定遊擊包成
軍循箐旁越山以禦逃苗永傑軍搜箐南至大山下苗千餘人拒
溝對敵我軍四集自午至未斬殺無數苗越巖而遁遇包成軍復
斬苗八百餘人而李芳述軍於是月十五日由糯塘山攀援至飛
巖聖苗據險以據我軍暗分兩路前進斬苗七百餘人墮崖死者
無算十七日進至蜂箐巖逆苗千餘踞之我軍圍攻之復抄出賊
後斬苗五百餘生擒二十九人苗大潰是月十三日張旺軍至馬
鞍山令桂林副將王國用攻之適遊擊劉伏振越山來夾攻苗潰
奔遇柳慶營守備王朝佐復殺苗一百五十餘級十四日張旺抵

打郎山兇苗從深箐突出令千總洪珍破之十五日旺至衡下苗
夾攻我軍把總雷啟明奮勇先登斬苗二十四級千總郭寰從東
而入兵火交擊逆苗死者八十餘人王國用軍合擊之殺苗一百
餘級劉伏振領軍邀其歸路復斬九十餘而雷如軍亦於是月十
三日率保靖土司彭澤虹土兵勦毛都塘苗潰奔追斬五百二十
餘人生擒十七人十五日我軍分兩路架梁下令土兵搜箐而入
逆苗砍樹塞道我兵奮擊逆苗死者六百餘人擒男婦五十一人
十六日移軍還攻兩投陽殺苗百十五人獲苗婦六人二十日偵
知逆苗匿於垢喇巖後箐洞隨密令遊擊史讚湖璉諸軍並保靖
土兵分四路進逼斬苗首二百三十五人獲苗婦九人十日之間

巨逆既殲餘賊悉平諸軍乃奏凱班師而還

四十六年土司田宏天橫虐苗民肆爲不法巡撫趙申喬奏請裁革
不准襲替苗民稱便

四十七年鎮筵鎮總兵張谷貞始至卽擒攻叛苗十餘寨自後遇逆
苗猖獗數率兵勦滅之苗始畏服不敢妄動

四十八年老舖潭賊苗吳老吉等陷鎮筵得勝營兵弁黃萬年二十
三人索賄巡撫趙申喬勒捕之

五十年總督鄂海巡撫潘宗洛提督額倫忒奉

命巡邊宣播

天威以招徠之毛都塘苗人吳老鐵及乾州各渠長皆輸誠願爲編

氓

雍正八年九月初六日辰沅靖道王柔率永順府同知李珣保靖營
遊擊王進昌等帶兵開闢六里冬月巡撫趙宏恩至鎮尊同總兵
周一德統軍駐營吉多坪於是勞神砦地良坡上龍潭數十寨各
輸誠歸順進破頑苗楊孟三寨誅之餘悉平

乾隆四年巡撫馮光裕以三廳苗民尙多不法奏請討之乃以署鎮
尊總兵永綏副將劉策名爲總統與兵備道楊輔臣驛鹽道馬靈
阿統兵千二百前進十二月初三日進圍鳳凰廳所屬之栗林寨
四寨三保等懼來降初八日進圍永綏所屬之盤鵲泥寨先是
苗首龍老狼屢肆竊掠尙汎把總張珩率兵捕之多爲所傷至

是猶恃險抗命遂焚勦之生擒龍老登八人男婦十二人貫龍老
二耳者五人十二日補豪寨石老畢四人降

五年葦衝排楚寨苗楊三楊老科索賄肆侮弁兵乾州同知王瑋會
營弁擒之衆苗相聚插血爲變自四年十二月二十九日及今正
月朔日阻河截辰州府所解軍糧橫踞陸路要挾官兵初九日署
總兵劉策名統軍二千二百人往勦葦衝諸苗拒敵他寨苗黨數
百人欲抄出官兵後來攻道經寨陽值同知王瑋所練鄉勇數十
人阻之羣懼而退劉策名督軍奮擊賊望救不至十二日遂敗奔
斬逆苗石三卡等男婦三十七人生擒首逆楊把狗石六月等六
十餘人二月初一日復擒補豪逆苗石喬保石把沙父子初三日

始班師

五十三年勾補苗石滿宜瘋癩滋事官兵討平之

人即

百人

會

人

人

人

人

人

苗防備覽述往錄 中

經制

後晉天福五年庚子楚王馬希範立銅柱以鎮蠻

宋乾德元年癸亥以獠人秦再雄爲辰州刺史鎮撫諸蠻再雄至州日訓練土兵得三千人尋改再雄爲辰州團練使

三年乙丑十二月詔溪州宜允五溪團練使刻印以賜之

五年丁卯冬以溪州團練使彭允足爲濮州牢城都指揮使溪州義軍都指揮使彭允賢爲衛州牢城都指揮使珍州錄事參軍田思曉爲博州牢城都指揮使允足等溪峒酋豪據山險持兩端故因其入朝而置之內地

按義軍之制卽鄉兵也文獻通考云溪峒諸蠻種類滋熾保據崑
險或叛或服控制陬落須其土人故置是軍皆選自戶籍蠲免徭
賦番戍寨柵大率安其風土則罕嬰瘴毒知其區落則可制狡獪
其校長則有都指揮使副都指揮使指揮使副指揮使都頭副都
頭軍頭頭目等員皆敎功遷補使相總領北路總一萬九千四百
人番戍諸砦或以歲或以季或以月人給口糧有功遷補雖其始
制之年不詳而宋世鄉兵之制於此亦可以曉然矣又按宋史兵
志荆湖路諸州軍皆置牢城指揮以待有罪配隸之人元步軍之
額熙寧三年別爲一軍則當日彭允足輩遷之內地與之以官其
意固如此也

太平興國七年壬午詔辰州不得移部內馬氏所鑄銅柱溪州刺史彭允殊上言刺史舊三年則爲州所易望朝廷禁止賜勅書安撫之

八年癸未錦溪敘富四州蠻相率詣辰州言願比內郡輸租稅詔長吏察其謠俗情僞並按視山川地形圖畫來上率不許懿州刺史田漢瓊錦州刺史田漢希上言願兩移其地詔從之又以知叙州舒德郛爲刺史

淳化二年辛卯知晃州田溪權以所獲古晃州印一鈕來獻因以爲晃州刺史又以五溪諸州統軍鶴州刺史向通漢爲富州刺史從其請也是年荆湖轉運使言富州向萬通殺皮師勝父子七人取

五臟及首以祝魔鬼朝廷以其遠俗令勿問

五年甲午以舒德郛爲沅州刺史

至道二年丙申上親祝南郊富州刺史向通漢上言聖人郊祀恩浹

天壤况五溪諸州連接十峒控西南夷戎之地惟臣州自古

原本作昔

至今爲辰州牆壁障護辰州五邑土民安居臣雖僻處遐荒洗心

事上伏望陛下察臣勤王之誠因茲郊禮特加真命詔加通漢檢

校司徒進封河內郡侯

咸平元年戊戌向通漢又言請定租賦真宗以荒服不征弗許

五年壬寅溪蠻請入粟易鹽許之自是邊粟有三年之積是時荆湖

南北有弩手土丁

按此鄉兵之制也宋史鄉兵者選自戶籍或土民應募在所團結
訓練以爲防守之兵也

天禧二年戊午知辰州錢絳等平下溪州蠻執彭仕漢等赴闕及彭
儒猛乞降土釋其罪詔以仕漢爲殿直初北江蠻酋最大者曰彭
氏世有溪州州有三曰上中下溪又有龍賜天賜忠順保靖感化
永順六州懿安遠新洽富來寧南順高十一州總二十州皆置刺
史而下溪州刺史兼都誓主十九州皆隸焉謂之誓下州將承襲
都誓主率羣酋合議子孫若弟姪親黨之當立者具州名移辰州
爲保證申鈐轄司以聞乃賜勅誥印符受命者隔江北望拜謝州
有神案副使及校吏聽自補置彭氏自允殊文勇儒猛相繼爲下

溪州刺史至仕漢爲殿直畱西京後輒遁歸

是年富州刺史向通漢來貢上特許其五日一朝踰月通漢上五
溪地理圖願畱京師上嘉美之特授通漢檢校太傅本州防禦使
還賜疆土署其子光澤等三班職名通漢再表欲畱京師不允乃
爲光澤等求內地監臨及言歲賜衣願使者至本任並從之旣辭
又賜以襲衣金帶

天聖初彭仕漢逃歸以狀白辰州詔徙其家京師舍以官第未幾其
父儒猛言仕漢逃歸誘羣蠻爲亂遣別子仕端等殺之朝廷嘉其
忠降詔獎諭時儒猛爲檢校尙書右僕射特遷左僕射又以仕端
爲檢校國子祭酒知溶州加賜鹽三百觔綵三十四

三年乙丑彭儒猛攻殺彭文縮文縮本知中彭州卽忠順州也令其子儒索率其黨九十二人來歸補儒索復州都知兵馬使官爲廩給

康定以來詔荆湖路募宣毅隸殿前馬步軍每軍有都指揮使有副指揮使有都虞侯每都馬軍有軍都有副兵馬使步軍有都頭有副都頭有十將有將虞侯有承局押官時辰州有宣毅步軍一按宣毅禁軍之制也考宋史禁兵者天子之衛兵也殿前侍衛二司總之以守京師備征戎其在外者非屯駐屯田則就糧軍也後有教閱忠節雄畧威果各營皆禁軍也

慶歷四年甲申以罪絕彭師寶貢蓋自咸平以來始聽二十州納貢

歲有常賜蠻人以爲利有罪則絕之其後師寶自請知上溪州
五年乙酉荆湖置教閱忠節州一營大州五百人小州三百人於是
宣毅寢廢不復補而荆湖益募雄畧時辰州有雄步軍

至和二年乙未彭仕義師寶父子構難知辰州宋守信討之不克自
是蠻獠數入寇朝廷姑欲無事諭令改過自歸裁損五七州貢奉
歲賜初輒不聽久之大出兵臨其地乃願以二十州舊地復貢奉
內屬

嘉祐中溪洞彭氏蠻內寇知辰州張綸築逢山驛路賊不得通遁去
四年己亥詔荆南募就糧號威果各營於本州又益遣禁軍駐泊長
吏兼本路兵馬鈐轄選武臣爲都監專主訓練東南稍有備矣

五年庚子以張翹言南北江利害遣章惇察訪湖北經制蠻事初南江諸蠻自辰州達於長沙邵陽各有溪洞曰敘曰峽曰中勝曰元則舒氏居之曰獎曰錦曰懿曰晃則田氏居之曰富曰鶴曰保順曰天賜曰古則向氏居之舒氏則德鄆德言君疆光銀田氏則處達漢瓊漢希漢能漢權保金向氏則通漢光普行孟永豐永晤皆受朝命自治平末舒光銀入貢故事南江諸蠻亦隸辰州貢進則給以驛券光銀援以爲請詔以券九道給之其後有峽州舒光秀者以刻剝其衆不附張翹言南江諸蠻雖有十六州之地惟富峽敘僅有千戶餘不滿百土廣無兵加以薦饑近向永晤與繡鶴敘諸州蠻自相讐殺衆苦之咸思歸化願先詔富峽二州俾納土則

餘州自歸并及彭師晏之孱弱皆可郡縣詔下知辰州劉策商度策請如翹言至乃遣章惇察訪而南江之舒氏梅山之蘇氏誠州之楊氏相繼納土剏立城砦其北江爲彭氏諸蠻所據者時湖北提點刑獄李平已招納師晏誓下州峒蠻張景謂彭德儒向永勝覃文猛覃彥霸各以其地歸版籍詔修築下溪州城并置砦於茶灘南岸賜新城名會溪新砦名黔安戍以兵隸辰州出租賦如漢民遣師晏詣闕授禮賓副使京東州都監官其下六十有四人按南江卽今之沅州靖州各屬北江則今之永順及施南酉陽各邊境也

熙寧間以辰沅五都弓弩萬三千人散居邊境訓練無事耕作有警

調發紹興後增損靡定

是時湖南徭人平辰州置澄江指揮一旋改號曰宣節指揮按此
廂兵之制也宋史廂兵者諸州之鎮兵也內總於侍衛司一軍之
額有分隸數州者或一州之兵兼屯數州者其將校曰都虞侯每
指揮有指揮使有副指揮使每都有軍使有副兵馬使有都頭有
副都頭有十將有將虞侯有承局押官建炎後因之

元祐二年丁卯傅堯俞王巖叟言沅誠二州刵建以來設官屯兵布
列砦縣募役人調戍兵費鉅萬公私騷然荆湖兩路爲之空竭又
自廣西融州刵開道路達誠州增置潯江等堡其地無所有湖廣
移賦以給民不安業願斟酌廢置朝廷以沅州建置至是十五年

蠻情安習已久但廢誠州爲渠陽軍沅州仍如故

三年寅辰諸蠻復叛朝廷方務休息痛懲邊夷邀功生事有擅殺蠻

人營練

寘之罪諸路所開道路翔置堡砦並廢自後五溪郡縣棄

而不問

政和中五溪蠻擾邊知樞密院鄧洵武仿陝西弓箭手制募邊民習
知溪洞險易置所司教以戰陣勸以耕牧得勝兵萬人以鎮撫之
七年丁酉以辰沅澧等州更戍土丁與營田土丁名稱重疊將兵馬
都鈐轄司招填土丁改爲營田弓弩手

紹興六年丙辰知鼎州張覺請復弓弩手募人墾田以供軍儲詔荆
湖北路帥司相度以聞帥司言營田四州舊置弓弩手九千一百

一十八人習武事散居邊境鎮撫蠻獠平居則事耕作緩急以備戰守深爲利便靖康初調發應援河東全軍陷沒今辰沅澧靖等州之兵防守不足竊慮蠻夷生變叵測若將四州弓弩手減原額定爲三千五百人辰州置千人沅州置千五百人澧州靖州各置五百人分處要隘量給土田訓練以時耕戰合度庶可備禦以所餘閒田募人耕作歲收其租於邊防財賦兩得其便可爲經久之計詔從之

十五年乙丑四月廣南東路提刑黃應南言溪峒巡檢尉砦官不嚴守備縱民與獠交通恐啟邊釁乞詔有司申嚴法令俾帥臣監司常加覺察宰臣以爲沿邊互市恐不宜禁絕帝曰往年禁西夏互

市遂至用兵可令帥司裁決前知全州高楫言獠人今皆微弱不敢先侵省地若官每縱人深入掠其財物遂至乘閒竊發宜詔與溪峒接壤州郡毋侵獠人庶使邊民安業以廣陛下柔遠好生之德帝從其言詔守臣一遵成法務在撫綏

乾道四年戊子二月詔湖北安撫司給田募辰沅靖三州刀弩手

是年帥司劉洪言荆湖兩路民兵充義勇者乞並免科役及身丁口每七十五人爲一隊遇教閱之日以營田之穀充其費奏可
按通考云大抵都郡皆有義勇惟澧州石門慈利不置籍紹興末守臣亦籍之

七年辛卯前知辰州章才邵上言辰之諸蠻與羈縻保靖南渭永順

三州接壤其蠻會歲貢漢布利於回賜頗覺馴伏瀘溪諸蠻以靖
康多故縣無守禦狔狔乘隙焚劫後徙縣治於沅陵縣之江口蠻
會田仕羅龔志能等遂雄據其地沅陵之浦口地平衍膏腴多水
田頃爲猺蠻侵掠民皆轉徙而田野荒穢會守倅無遠慮乃以其
田給靖州狔狔楊姓者俾佃作而課其租所獲甚微楊氏專其地
將二十年其地當沅靖二州水陸之衝一有蠻隙則爲害不細臣
謂宜預爲備靖康前辰州每歲蒙朝廷賜錢七萬貫紬絹布共八
千一百匹綿一萬七千兩是時本州廂禁軍一千四百餘人沿邊
一十六砦士兵六百餘人皆可贍給其後中外多故今歲賜止得
一萬二千緡而本州財復匱乏無以充召募之費禁軍止二百一

十餘人諸砦土兵止一百五人甚至砦官有全無一兵而徒存虛名者其爲邊防豈可不爲深慮若歲增給民錢一萬俾本州募強壯禁軍或効用二百分屯瀘溪等處以防諸蠻庶使邊患永消可免異時調遣之費書奏詔湖北帥臣詳議以聞是年申嚴邊民售田之禁守令不能奉法者除名部刺史常加糾察

淳熙五年戊戌三月給辰沅澧靖州刀弩手田

十年癸卯儒林郎李太性上言比年猺蠻爲亂邊吏慮妨賞格往往匿不以聞遂致猖獗使一方民命寄於猺人之手誠可哀憫近如梁牟等寇沅州劫墟市殺戮齊民州縣告急於兩月之後比調官軍俘降其賊而人之被害已酷矣宜戒州縣或遇猺人竊發晝時

以聞違者論罪仍令監司帥臣常加覺察庶幾先事備禦俾徭人亦知畏懼不敢侵軼以傷吾民也

十一年甲辰詔給事中中書舍人戶部長二同勅令所議禁民毋質徭人田以奪其業俾能自養以息邊釁從知沅州王鎮之請也

嘉泰三年癸亥前知潭州湖南安撫趙彥勵上言湖南九郡皆接溪峒蠻徭叛服不常深爲邊患制馭之方豈無其說臣以爲宜擇素有知勇爲徭人所信服者立爲酋長借補小官以鎮撫之况其習俗嗜欲悉同徭人利害情僞莫不習知故可坐而制服之也五年之間能立勞効卽與補正彼旣榮顯其身取重鄉曲豈不自愛盡忠公家哉所以捐虛名而收實利安邊之上策也旣而諸司議以

爲以蠻獠治蠻獠策之上也請如趙彥勵言帝從之

按是年擇田氏處以五寨長官司管轄上下各五洞土民又處以
篁子長官司羈縻四十八寨苗獠又設滑石江巡檢土司稽察於
中各邊稍稍寧息

嘉定五年壬申臣僚上言辰沅靖等州舊嘗募民爲弓弩手給地以
耕俾爲世業邊陲獲保障之安州縣無轉輸之費比年多故其制
寢弛徭蠻因之爲亂沿邊諸郡悉受其害比申朝廷調兵招捕曠
日持久蠻夷習玩成其猖獗之勢如楊晟臺李全姚明教羅孟二
李元礪陳廷佐之徒皆近事之明驗也爲今計者宜講舊制可紓
饋餉之勞而得備禦之實其安邊息民之長策歟

七年甲戌臣僚復上言辰沅靖三州之地多接溪洞其居內地者謂之省民熟戶山獠峒丁乃居外爲捍蔽洞丁等皆計口給田多寡濶狹疆畔井井擅鬻者有禁私易者有罰一夫歲輪租三斗無他徭役故皆樂爲我用邊陲有警衆庶雲集爭負弩矢前驅出萬死不顧比年防禁日弛山獠峒丁得私售田田之歸於民者常賦外復輸稅公家因資之以爲利故漫不加省而山獠峒丁之常租仍虛掛版籍責其償益急往往不能聊生反寄命獠人導其入寇爲害滋甚宜勅湖廣監司檄諸郡俾仍舊制毋廢庶邊境綏靖而遠人獲安也

元至元十一年甲戌思州田氏降置沿江安撫司隸思州軍民宣撫

司

三十一年甲午江南湖北道肅政廉訪司僉事張經上言宜將又巴懷德府等一府九州撥隸湖廣行省於會溪設立宣撫司禁約省民洞蠻止於會溪交易仍於沿邊隘寨設立巡檢司又言沅州正衝八番思播係邊遠重地宜依舊爲路兼管靖州仍於南州沿邊諸寨設立巡檢及鎮守辰沅靖上均萬戶府官三員各分鎮守詔從之

是時置銅仁大小江等處長官司隸思州軍民安撫司下溪州彭萬潛自改爲永順等處軍民安撫司設葛蠻司安撫保靖州屬之元貞元年乙未湖廣行省平章劉國傑復屯軍之制初辰澧地接溪

洞宋常選民立屯免其徭役使禦苗寇在澧者曰隘丁在辰者曰寨兵宋十皆廢至是復之

大德元年丁酉張經言叛蠻田萬頃等雖已誅靖辰澧三州接界率多曠土宜召民耕種使蠻疆日漸開拓異時皆爲省地湖廣行省然其言之

三年己亥三月

本紀作十二月

沅州賊人嘯聚命以毗陽萬戶府鎮守辰州鎮巢萬戶府鎮守沅州靖州上均萬戶府鎮守常德澧州

至正二十六年丙午明辰州衛指揮劉寅創建衛署是歲改夜郎坪設崇山衛尋省衛置崇山千戶所後仍革

明洪武二年己酉保靖內附陞爲保靖宣慰使司永順亦內附置永

順軍民宣慰使司俱隸湖廣都指揮使司永順領州三曰南渭州
曰施溶曰溪州領長官司六曰臘惹洞曰麥著黃洞曰疆逢洞曰
施溶溪曰白崖洞曰田家洞

三年庚戌辰州衛指揮劉宣招降諸洞帝命潭溪古州新化湖耳亮
寨歐陽諸洞長仍爲蠻獠長官司以轄洞氏自正月來屬於衛者
三月乃改屬靖州衛後廢永樂十二年屬黎平府

十一年戊午思州宣慰司爲思州府隸貴州布政司領都平黃道都
素施溪四長官司

十三年庚申創建思州府城

二十二年己巳指揮許昇開設平溪衛署於沅州西一百五十里指

揮陳武開設清浪衛署於沅州西一百九十里延安侯傅有德開設鎮遠衛署於沅州西二百八十里

二十三年庚午都督李勝同設偏橋衛署於沅州西三百六十里是時改銅仁長官司隸思州府

三十年丁丑二月置鎮溪軍民千戶所時瀘溪縣主簿孫應龍招諭上五都蠻民分爲十里置所隸辰州衛詔陞應龍爲所鎮撫取江西建昌守禦千戶所正千戶段文入京給銅印令世襲鎮溪千戶太祖臨軒遣行諭曰朕有彈丸苗地令汝前往開設鎮溪所撫管夷民因其利而利之汝子孫將享用無窮又命兵部取貴州烏撒衛陳牙四川瀘州衛宋貴爲副千戶同往佐理命吏部選吏目一

員布政司撥與典吏四名賜表裏牙笏寶鈔銀帶以禮宴而遣之
五月段文至鎮溪創設衛署建立制度分一百二十四寨爲十里
令渠首楊二爲百夫長其畸零寨戶一百三十二名充土軍守城
池寇亂則聚爲軍事平散爲民故名軍民所

永樂三年乙酉辰州衛指揮龔能等招諭箐子坪三十五寨生苗廖
彪等各遣子入貢七月設箐子坪長官司以彪任其職隸保靖州
軍民宣慰使司

十一年癸巳置銅仁府隸貴州布政司領省溪提溪銅仁大萬山四
長官司

宣德五年庚戌箐子坪長官吳畢郎等與貴州銅仁諸苗爲亂總兵

官蕭授築二十四堡環其地守之明史職官志總鎮一方者爲鎮
守獨鎮一路者爲分守各守一城一堡者爲守備與主將同守一
城者爲協守湖廣鎮守總兵一人駐省城分守參將三人鎮守參
將其一也守備十一人把總一人皆隸於總兵者其總兵掛印稱
將軍者湖廣曰平蠻將軍凡總兵副總兵率以公侯伯都督統之
卽參將遊擊把總亦多有充以勳戚都督者考蕭授蓋由都督而
充總兵故論列之以見明初之制云

六年辛亥蕭授旣降鎮守諸苗乃設灣溪等堡撥兵以守

正統四年己未以廢烏羅府之烏羅平頭四長官司屬銅仁府

十四年己巳以苗亂置總督鎮守貴州湖北川東等處

宏治二年己酉立僉民壯法以在巡檢者稱弓兵初祖制凡在外各府府州縣關津要害處俱設巡檢司俾率徭役弓兵警備不虞是時辰州府所屬沅陵縣東北有池蓬巡檢又有高崑巡檢瀘溪縣南有溪峒西有河溪西南有縣場坪辰溪縣東有渡口鎮南有浦市鎮溆浦縣南有龍潭東北有鎮寧沅州西有晃州西南有西關渡口黔陽縣東有安江麻陽縣東北有崑門各置一巡檢統十六巡檢司至是立弓兵平居訓練遇警調發給以行糧而禁役占放買之弊富民不願則上直於官自爲募以充役

正德六年辛未四川賊藍廷瑞鄢本恕等及其黨二十八人倡亂兩川合十餘萬人僭王號置四十八營攻城殺吏流毒黔楚總制尙

書洪鍾等討之不克已而爲官軍所過乏食乃佯聽撫劫掠自如廷瑞以女結婚於永順土舍彭世麟冀緩兵世麟僞許之因相約期廷瑞本恕等二十八人皆來會世麟伏兵擒之餘賊潰渡河官兵追圍之擒斬及溺死者七百餘人捷開獎賚有差論者以是役

世麟爲首功

七年壬申賊劉三等自遂平趨東臯宣慰彭明輔及都指揮曹鵬等以土兵追擊之賊倉卒渡河溺死者二千人斬首八十餘級巡撫李士實以聞命永順宣慰格外加賞仍給明輔誥命

八年癸酉巡撫劉丙與兵備副使徐潭辰州知府戴敏旣平鎮筰諸苗議請添設守備領勅鎮鎮筰乾州兼制土官彈壓邊境諸苗習

服者十餘年旋因土官謀削控制勅命致守備權輕諸土相抗漸且橫噬三邊釀至嘉靖中苗果大叛時堡屯戍防盜處曰哨唐書拔連城堡又十里雙堠皆此類也禮投壺篇有枉矢哨壺之文廣韻謂爲壺口黯者之名雖哨稍音各小異然以其義推之似借用爲堵截隘口意也

嘉靖二十七年戊申以苗患設總督四川湖廣貴州雲南等處軍務命張岳任其職來討湖貴賊苗

三十一年壬子湖貴苗平朝議以總督張岳畱鎮沅州岳與副使高顯參將孫賢籌畫形勢疏罷灣溪等堡更設十有二哨曰五寨曰

永安曰清溪曰河口曰篁子曰乾州曰强虎曰石羊曰小坡曰銅
信曰水塘凹曰水田營連鎮溪所共十有三各營哨有城有樓有
校場有隘門有官衙有社倉分防有督備領班領隊領征管標管
倉吏目土官管所轄有頭目舍人識字健步打手鄉土播凱犵苗
等兵凡官軍計六千有奇統以參將標營而守備爲之犄角又兼
辰沅二衛班戍官軍通計六千六百有奇歲支沅州庫餉銀三萬
八十九兩有奇支麻陽黔陽乾州軍餉倉鎮溪所秋糧倉米三萬
一千八百九十有奇是時參將督領於土遊擊守備調度於中營
哨分防於下又慮變生呼吸難於題請請得便宜行事故敕曰三
千以下任爾調度三千以上合同兵備官計議而行兵增將威故

邊境少安

三十三年甲寅冬調永順土兵協剿倭賊於蘇松明年永順宣慰彭翼南統兵三千致仕宣慰彭明輔統兵二千俱會於松江時保靖兵敗賊於石塘灣永順兵邀擊賊奔王江涇大潰保靖兵最永順次之降勅獎勵各賜銀幣翼南賜三品服先是永順兵剿新場倭倭故不出保靖兵爲所誘遽先入永順土官田菑田豐等亦爭入爲賊所圍皆死之議者皆言督撫經畧失宜致永順再戰再北及王江涇之戰保靖犄之永順角之斬獲一千九百餘級倭爲奪氣蓋東南戰功第一云二宣慰破倭後兵驕所過皆劫掠沿江上下苦之御史請究治部議以土兵新有功遽加罰失遠人心宜諭責

之并令浙直練鄉勇嗣後不得輕調土兵

按明史土司傳湖南吉巫郡黔中地也其施州衛與永保諸土司境介於岳州辰州常德之間西與川東巴夔相接壤南通黔陽谿崗深阻易於寇盜元未滋其世陳友諒據湖湘間噉以利資其兵爲用諸苗亦爲盡力有乞兵旁寨爲之驅使者友諒以此益肆及太祖殲友諒於鄱陽進克武昌湖南諸郡望風歸附元時所置宣慰安撫長官司之屬皆先後迎降太祖以原官授之已而梗化洪武三年慈利安撫使覃垕連捕諸蠻入寇征南將軍周德興平之五年復命鄧愈爲征南將軍平師平散毛等三十六洞而副將軍吳良復平五開古州諸蠻凡二百二十三洞籍其民一萬三千收集

潰散士卒四千五百餘人平其地未幾五開五溪諸蠻亂討平之十四年五開蠻吳面兒反勢猖獗甚命楚王楨將征南將軍湯和擊斬九溪諸處蠻獠俘獲四萬餘人諸苗始懼而靖沅辰澧之間十年內亦尋起尋滅雖開國之初師武臣力實太祖控制之道恩威備焉永樂初苗告繼絕襲冠帶益就銜勒垂百年而五開銅鼓間又紛紛多警時英宗北狩中原所在侵擾苗勢殊熾景泰初總兵官奏蠻賊西至貴州龍里東至湖廣沅州北至武岡南至播州之境不下二十萬圍困焚掠諸郡邑臣所領官軍不上二萬前後奔赴不能解平越之圍乞急調京邊軍及征麓川卒十萬前來以資調遣久而師徵不至更易他帥浸淫六七載至天順元年總督

石璞調總兵官方瑛始尅期征剿破天堂小坪墨溪二百二十七寨禽僞王侯伯等百餘人斬賊首千四百餘級奪回軍人男婦千三百餘口於是苗患漸平蓋萌發於貴州而蔓衍於湖南皆生苗爲梗諸土司初無動搖而永保諸宣慰世席富強每遇征伐輒願荷戈前驅國家亦賴以撻伐故永保兵號爲燒雄嘉隆以還征調四出而湖南土司均備臂指矣

是年將駐麻陽參將移鎮五寨司城就便調遣邊防益固

四十二年癸亥沈給事奏以貴州巡撫兼制湖北川東罷總督設兵備於沅州募播凱犵苗等分別屯戍與土民參錯耕種外以民兵環衛之曰可

隆慶三年己巳銅信小塘凹水田營等哨議裁守備陳師表請以了刺關改爲永寧哨又以鷄公寨爲鳳凰營長冲爲長寧哨旋分長寧哨建箭塘營

萬歷二十六年戊戌革銅仁司置銅仁縣尋革大萬山司亦屬之二十七年己亥以征播暫設偏沅巡撫贊理軍務駐沅州府尋罷三十六年戊申兵備袁應文增設盛華哨於魚洞坡設王會哨於火草嶺而小坡哨先後添設小哨四曰水塘凹曰清水塘曰十八坪曰杜壠

四十二年甲寅署府印同知劉應卜因苗頻次出劫沅陵之深溪浦口復劫至春伊溪離郡城僅三里許乃請於奇坪窩凹地設拱辰

營以衛郡城從之

四十三年乙卯辰沅兵備參政蔡復一以營哨羅布苗路崎嶇難以阻遏窺覷請發帑金四萬有奇築沿邊土牆上自銅仁下至保靖汎地迤山亘水凡三百餘里邊防藉以稍固

天啟二年壬戌復設偏沅巡撫以後或置或罷

時辰沅兵備道副使胡一鴻委遊擊鄧祖禹自鎮溪所起至喜鵲營止復添設邊牆六十餘里

崇禎二年己巳定設偏沅巡撫駐沅州而分守湖北道駐辰州又有辰沅兵備道以控制苗人

按以上所敘各大小文武官制皆有關兵事者故述其創置之由

他有常職者不悉也

國朝

順治十五年戊戌太保洪承疇巡撫袁廓宇大將軍羅託平定辰沅
 設沅州總兵官一員駐沅州仍設辰常總兵官一員駐辰州各鎮
 設中營左營右營前營水師營各一每營遊擊守備各一員千總
 各二員把總各四員每鎮馬步戰守兵丁三千名又設鎮筭副將
 一員屬沅州鎮駐五寨司城令守備駐乾州分防麻陽縣鎮溪所
 統兵一千六百名

康熙十九年庚申吳逆敗後我兵克復辰沅乃改辰州鎮為協設副
 將一員仍駐府城領都司一員守備二員千總四員把總八員水

帥營遊擊一員守備一員千總二員把總四員

二十八年己巳裁辰州協水師營於是辰州副將所屬中軍都司一員左右營守備各一員千總四員把總八員凡爲官大小十六員又經制外委千總把總六員額此外委三員統轄馬兵九十名戰兵一百六十七名守兵六百四十七名凡爲兵七百五十一名其抵折官弁養廉公費者不在其數統爲辰州協初屬鎮筵總兵改隸常德提督轄十九年庚申陞鎮筵爲鎮移沅州總兵駐今鳳凰廳改沅州爲協

四十三年甲申分巡道自沅州移駐鎮筵復設分防鳳凰通判及二巡檢設分防乾州同知及巡檢司裁鎮筵所仍舊制設五寨司吏

目苗地設寨長土百戶催徵巡緝銅仁府設正大營以同知駐其地

四十五年丙戌移各鎮協營兵九百名歸鎮算共爲馬步兵三千名改左營把總一員兵一百名屬乾州廳同知改右營把總一員兵一百名屬鳳凰營通判

四十六年丁亥巡撫趙申喬奏請裁革五寨土司改辰州協駐防淑浦縣都司爲千總

四十八年己丑移鳳凰營通判駐鎮算城

四十九年庚寅巡撫趙申喬奏請鎮溪所六里苗民責令土弁專司約束乾州同知管轄辰沅靖道統轄登註戶口初明時鎮苗屬鎮

谿所管撫令永順司擔承篁苗屬篁子坪長官管撫令保靖司擔承後鎮溪上六里以地近保靖司亦歸保靖土司管轄康熙二十三年六里苗赴鎮溪請歸版籍經辰州府議仍屬保靖二十七年三十二年司道再議如舊四十三年設寨長土百戶道員同知通判兼轄至是苗仍不願歸土司始議編管歸籍

雍正元年癸卯諸土司互相仇殺鎮篁諸苗屢肆劫掠恃六里永順

保靖爲助督撫檄令武弁彈壓

四年丙午從總督傅敏之請設永順保靖二同知隸辰州府桑植同

知隸岳州府

五年丁未改五寨司吏目爲巡檢司

七年己酉改永順爲府設永順龍山保靖桑植四縣隸之三同知裁
巡道兼轄永順

八年庚戌開闢六里設永綏廳平松桃紅苗
移正太營同知駐松桃
廳

九年辛亥設防永綏同知及巡檢司各一員
設永綏協副將一員共
駐永綏

十三年乙卯更分巡道爲辰永靖兵備道

乾隆元年丙辰改沅州爲府屬兵備道定爲辰沅永靖兵備道其協
仍舊屬鎮筵鎮

是年西陽宣慰司改土爲西陽州邑梅楊再相石耶楊再鎮平茶

楊正藥地壩楊勝鈞相率獻土因設縣治並割酉之晚森南洞九
江苗小江日旗月旗諸里益之設秀山縣

八年癸亥鎮筵鎮分千總把總各一員外委二員兵三百三十八名
隸靖州長安新營

十八年癸酉鎮筵鎮前營遊擊改爲都司餘如舊

十八年癸酉餘草餘而督我學效

其味同繪收書

精誠限是與條書

八平祭衣繼其餘今午歸其縣各二員和委二員共三百五十八員

一五箇少五日其月其雨皇益之婚我山練

一默五變其學財額後師率州土因婚練皆並理舊之類森南師次

苗防備覽述往錄

下

往哲

田疆五溪會長威信素著王莽欲招來之錫以銅印疆義不屈有十子皆雄勇自保曰吾等漢臣誓不事二姓乃以三子將五萬人下屯沅東各築一城烽火相應田子居中城王子居上城倉子居下城以拒莽雍正間祀沅陵忠義祠

馬援字文淵扶風茂陵人建武二十三年武陵蠻反遣武威將軍劉尚擊之尚輕敵深入蠻乘險邀之尚軍悉沒復遣謁者李高太守馬成討之不克援因請行時年六十二帝愍其老未許援曰臣尚能披甲上馬帝令試之援據鞍顧盼以示可用帝笑曰鑿鑿哉是

翁也遂遣援率中郎將馬武耿舒劉匡孫永等將十二郡募士及弛刑四萬餘人征五溪援夜與送者訣謂友人謁者杜愔曰吾受厚恩年迫日索常恐不得死國事今獲所願甘心瞑目但畏長者家兒或在左右或與從事殊難得調介介獨惡是耳明年春軍至臨沅遇賊攻縣援迎擊破之斬獲二千餘人賊散走入深林初軍次下雋有兩道可入從壺頭則路近而水險從充縣塗夷而運遠帝初以爲疑及軍至耿舒欲從充道援以爲棄日費糧不如進壺頭搃其咽喉充賊自破以事上之帝從援策二月進營壺頭賊乘高守隘水疾船不得上會暑甚士卒多疫死援亦中病遂困乃穿岸爲室以避炎氣賊每升險鼓譟援輒曳足以觀左右哀其壯莫

不爲之流涕而耿舒以違其意私與兄弇書上之帝乃使虎賁中郎將梁松乘驛責問援因代監軍會援病卒松宿懷不平遂因事陷之帝大怒追收援新息侯印綬馬武侯昱等又以薏苡之謗皆章言其狀帝益怒援妻孥莫測所以不敢以喪還舊塋及從子嚴詣闕請罪帝出松書示之方知所坐書訴六上辭甚哀切然後葬後同郡雲陽令朱勃上書白其冤亦莫省也永平十七年始修封樹起祠堂建初三年追諡曰忠成辰州人追念其忠勤廟祀遍於郡邑苗蠻尤敬畏焉廟中像鬚眉明畫如生

宋均字叔庠南陽安衆人也少以父任爲郎後爲謁者蠻圍將匡劉尚時詔使均乘傳發江夏奔命三千人往救之旣至而尚已沒會

伏波將軍馬援至詔因令均監軍與諸將俱進賊拒抗不得前及馬援卒於師軍士多溫溼病死者大平均慮軍遂不反乃與諸將議曰今道遠士病不可以戰欲權承制降之何如諸將皆伏地莫敢應均曰夫忠臣出境有可以安國家專之可也乃矯制調伏波司馬呂种守沅陵長命种奉詔書入虜營告以恩信因勒兵隨其後蠻夷震怖共斬其大帥降於是入賊營散其衆遣歸本郡爲置長吏而還均在道先自劾矯制之罪光武嘉其功迎賜以金帛建初元卒於家

呂种莫詳爲何許人建武二十四年爲伏波司馬從馬援征五溪蠻明年援死監軍宋均矯制調种爲沅陵長种挺身奉詔書入虜營

告以恩信蠻夷震服共斬其大帥而降是役也耿舒梁松馬武等方與援爲嫌怨又軍士皆病非种才足以佐均平蠻夷則全軍幾不反矣

馮親字鴻鄉巴郡宕渠人延熹初武陵蠻寇江陵長沙零陵蠻皆先後反荊州刺史劉度南郡太守李肅並奔走荆南皆沒於是拜緄爲車騎將軍將兵十餘萬討之時天下饑饉帑藏並盡每出征伐常減公卿俸祿假王侯租賦前後所遣輒陷以折耗軍資往往抵罪緄性抗直不行賄賂懼爲宦官所中乃上疏曰勢得容姦伯夷可疑苟曰無猜盜跖可信故樂羊陳功文侯示謗書願請中常侍一人監軍財費尚書朱穆奏緄以財自嫌失大臣之節有詔勿劾

緄軍至長沙賊聞悉詣營道乞降進擊武陵蠻斬首四千餘級受降十餘萬人荊州平定詔賜錢一億固讓不受振旅還京推功於從事中郎應奉薦以爲司隸校尉而上書乞骸骨朝廷不許會長沙賊復起攻桂陽武陵以緄軍還盜賊復發策免頌之拜將作大匠轉河南尹後拜屯騎校尉復爲廷尉卒於官

鍾離牧字子幹會稽山陰人累官至越騎校尉永安六年蜀并於魏武陵五溪蠻與蜀接界時論懼其叛亂乃以牧爲平魏將軍領武陵太守往之郡而魏已遣漢髮縣長郭純試守武陵率涪陵民入蜀遷陵界屯於赤沙誘致諸蠻邑君或起應純又進攻西陽縣郡中震懼牧問吏曰西蜀傾覆邊境見侵何以禦之皆對曰今二縣

山險諸夷阻兵不可以兵驚擾驚擾則諸夷盤結宜以漸安可遣
恩信吏宣教慰勞牧曰不然外境內侵誑誘人民當及其根柢未
深而撲取之此救火貴速之勢也勅外趣嚴椽史沮議者便行軍
法撫蠻將軍高尙說牧曰昔潘太常督兵五萬然後以討五溪蠻
耳又是時劉氏連和諸蠻率化今旣無往日之援而郭純已據遷
陵明府以三千兵深入尙未見其利也牧曰非常之事何得循舊
卽率所領晨夜進道緣山險垂二千里從塞上斬惡民懷異心者
魁師百餘人及其支黨凡千餘級純等散五溪平後卒於官家無
餘財士民思之

馬希範字寶規殷第四子也後唐長興三年兄希聲卒範以次得立

襲殷官爵封楚王後晉天福四年加天冊上將軍開府承制如殷

故事時溪州刺史彭士愁

一作然

率錦獎州蠻萬餘人寇辰澧二

州希範遣劉勅廖匡齊

五代史作劉全明

帥步卒五千人討之士愁敗走

勅等攻破溪州士愁逃入錦獎深

山遣其子師曷率諸蠻酋納溪

錦獎三州印綬歸降於楚溪州西

接牂牁且蘭南通桂林象郡希

範自謂伏波之後功震蠻荒乃以

銅五千勛鑄柱高丈二尺命學

士李宏臯

史作李臯

銘之立於溪州界

上於是南寧州都雲牂牁酋長

皆率其部落數十州來附希範好

學善詩性奢侈後頗加賦於國

中開運四年卒諡曰文昭辰州人

追念其功祀之名宦祠其銅柱

今猶存沅陵所屬之會溪

劉勅廖匡齊里居莫詳同仕馬楚勅官左靜江指揮使匡齊官決勝
指揮使溪州蠻叛時楚王馬希範命勅與匡齊帥衡山兵討之勅
等進攻溪州士愁敗入保山寨石崖四絕勅爲梯棧上圍之賊困
鬪匡齊力戰不克死之明年春勅乘大風以火焚其寨士愁逃入
錦獎深山懼不克免乃遣子師鬲帥諸酋降於楚勅始引兵還長
沙楚王尋以勅爲錦州刺史終楚之世蠻不復叛

秦再雄辰州瑤人以武健名累立戰功蠻黨服之乾德元年三月太
祖平湖南思得通蠻習險智勇可任者以鎮撫之召再雄至闕下
察其可用擢爲辰州刺史官其子殿直仍使自辟吏屬予以一州
租賦再雄感恩誓死報至州訓士兵得三千人皆能披甲渡水歷

山飛塹捷如猿猱又選親校三十人分使諸蠻以轉布朝廷懷徠之意得各酋降表以聞太祖大喜改授辰州團練使以其門客王允成爲推官自是一方又安無復邊患

竇舜鄉字希元相州安陽人仁宗時溪洞蠻首彭仕義叛嘉祐二年舜鄉由主客徙爲鈐轄兼知辰州請建築州城不擾而辦辰州之有城自舜鄉始也已而帥師取富州蠻將萬年州據石首崖舜鄉選壯卒奮擊蠻矢石交下我兵蒙盾直前發強弩射萬年州斃於崖下遂拔之左右欲盡勦其衆舜鄉不許曰仕義願內附特爲此輩所脅今死矣何以多殺爲引兵入北江仕義果降擢康州刺史熙寧中以光祿大夫致仕再轉金紫光祿大夫卒諡曰康敏

張翹沅陵人神宗時遣章惇經畧湖北翹以布衣上書言南江諸蠻雖有十六州之地惟富峽敎僅有千戶餘不滿百土廣無兵加以洊饑近向永晤與繡鶴敘諸州蠻自相讐殺衆苦之咸思歸化願先召富峽二州俾納土則餘州自歸詔下守臣劉策商畧策俱如翹議行之明年富州向永晤峽州舒光銀光秀皆納土請降如翹言惇銜之或以告翹翹曰苟利於人死所不避惇竟不能害晚年山居杜門不出幾二十年時論高之

德明浙江餘姚人至正十八年爲麻陽主簿會崗苗倡亂邑無城郭乃率其弟德興仗義糾衆據南岸之廟山阻險創寨團練民兵萬餘百戰禦寇邑人賴以安全勲聞於朝特授縣令脩復縣治招

集殘民其弟德興由義兵萬戶歷八番僉都元帥德興卒德明乃解組擇江北岸居之後人肖像於天乙閣祀之

劉國傑字國寶本安真人姓烏古後入中州改姓劉氏貌魁雄善騎射膽力過人屢立戰功爲懷遠大將軍時世祖賜號霸都國傑行二因呼之爲劉二霸都而不名霸都者敢勇士也初黔中諸蠻酋旣內附復叛又巴洞何世雄犯澧州泊崖洞田萬頃楠木洞孟再師犯辰州朝廷常討降之陞泊崖爲施溶州以萬頃知州事至元三十一年萬頃復叛攻之不能下成宗旣卽位赦天下并宥萬頃等亦不降時國傑方爲行樞密院於衡州仍授副使帝命往征九月國傑馳至辰州進攻明溪賊魯萬丑擁衆自上流而下千戶權

忠百戶馬孫兒戰死十月進兵桑木溪萬丑復以千人拒戰擊却之明日萬丑倍衆來攻國傑鼓之百戶李旺率死士陌陣衆軍齊奮賊敗遂破其巢焚之進攻施溶部將田榮祖請曰施溶萬頃之腹心石農坎三羊峯其左右臂也宜先斷其臂而後腹心乃可攻國傑曰善麾諸軍攻石農坎賊不能支棄寨遁遂拔施溶擒萬頃斬之復窮捕其黨攀崖緣木而進凡千餘里元貞元年卽軍中加榮祿大夫湖廣行省平章政事辰澧地接溪洞宋嘗選民立屯免其徭役令司防禦曰隘丁寨兵宋亡皆廢國傑悉復其制邊防周密諸蠻不能寇賊盜遂息旋入朝賜玉帶錦衣弓矢臺臣言國傑在軍中每以家貲賞將士帝令倍償之部曲有功者各遷官大德

八年國傑卒封齊國公諡武宣

孫應龍太祖時舉孝廉任瀘溪縣主簿縣境多苗有不服編造戶籍者應龍入洞招撫渠曾哀告有司賦役煩重苗民刀耕火種難以供應乞爲奏聞另設官司應龍領渠首赴京奏請原賦定一萬三千有奇詔除一萬石立鎮溪軍民所設千戶一副千戶二以永治之陞應龍爲所鎮撫時洪武三十年也應龍與千戶段文抵鎮溪創設衙署建立制度分一百二十四寨爲十里令渠首爲百夫長鈐束之其畸零寨戶充土軍守城池安恤周備邊境以寧祀名宦祠

詹彥中臨淮人洪武初以參將鎮守辰州辰郡屬蠻疆南北兩江五

溪荒徼之地皆倚爲控制舊城傾覆於隍不可爲守禦計彥中至
亟爲採石創建府城周圍數百丈各門俱建樓繚以女牆高峻堅
厚雉堞巍然時軍制新立衛所彥中相度形勢請設辰州沅州兩
衛鎮溪等千戶所置衛所田給軍伍且耕且守邊防大備民賴以
安

蕭授華容人永樂十六年擢右軍都督僉事充總兵官鎮湖廣貴州
宣德初屢平邛水乖西諸蠻七年討辰州蠻擒其酋八十人斬馘
無算先是貴州治古答意二長官司苗數出掠授築二十四堡環
其地分兵以戍不能逞久之其酋吳不爾覘官軍少復掠清浪殺
官吏授遺都指揮張名擊破之賊走湖廣境結生苗勢復張授乃

發黔楚蜀軍分道捕討進軍箠子坪誅不爾斬首五百九十餘級
賊悉平授沉毅多計算裨校皆盡其才而馭軍嚴整在鎮二十餘
年威信大行寇起輒滅前後諸帥莫及也官至左都督卒贈臨武

伯諡靖襄

張岳字維喬惠安人自幼好學以大儒自期登正德十一年進士世
宗時累遷兵部侍郎時臘爾山苗屢叛侍郎萬鏜征之四年不克
乃授其魁龍許保冠帶湖苗暫息而貴苗反如故鏜班師龍許保
及其黨吳黑苗復亂貴州巡撫李義壯告警嘉靖二十七年特設
重臣總督湖廣貴州四川軍務命岳任其職以討苗進右都御史
時僉都御史王學益黨附嚴嵩主撫數從中撓岳持益堅二十九

年許保益猖獗襲執印江知縣徐文伯及石阡推官鄧本忠以去
岳坐停俸於是乃興兵令總兵官沈希儀參將石邦憲分道進征
而躬入銅仁督戰先後斬賊魁五十三人獨許保黑苗逃不獲岳
奏貴苗漸平湖苗聽撫請遣土兵歸農朝議許之次年酉陽宣慰
司冉元嗾許保黑苗突至思州執知府李允簡邦憲兵奪還而允
簡竟死嵩父子故憾岳欲遠治之徐階持不可乃奪右都御史以
兵部侍郎督師如故邦憲等旋破賊岳自搜山箐餘賊獻思州印
及許保湖廣兵又破擒首惡李通海等然黑苗未獲岳未肯遽罷
兵時冉元亦敗露岳並發其奸元賄嚴世蕃返責岳以妄絕苗黨
而邦憲竟得黑苗患始息詔留岳駐沅州岳計慮深遠爲籌善後

計立十三哨於沿邊軍伍嚴肅防禦周備尋卒於官喪歸辰沅人送哭者不絕已敘功復右都御史贈太子少保諡襄惠

石邦憲字希尹貴州清平衛人嘉靖七年嗣世職爲指揮使累功進署都指揮僉事充銅仁參將二十七年苗龍許保吳黑苗叛總督張岳議征之而賊陷印江石邦憲坐逮問岳以銅仁爲賊巢穴而邦憲有謀勇奏畱之邦憲遂與川湖兵進貴州破苗寨搜戮殆盡使使購老獠老猺等執許保送軍門復以計購烏朗土官田興邦等斬黑苗賊悉平遂進署都督僉事充總兵官鎮貴州三十九年澈浦猺沈亞當倡亂總督石勇檄邦憲討之屯白馬山諸猺恃險負固來往崖谷捷若猿猱士卒懼不敢進邦憲殺子以徇軍遂皆

死戰生擒亞當斬獲二百有奇四十一年大破播州土舍韓甸平之邦憲生長黔土熟苗情善用兵大小數十百戰無不摧破前後進秩者四爲總兵官十七年威鎮蠻中卒官贈左都督淑浦人德之刻其像祀於白馬山

孫賢字若愚忠州守禦所人世宗時臘爾苗叛旣設總督又於銅仁麻陽各設參將以賢具文武才屢經薦最授麻陽參將苗旣平賢從岳籌畫邊備設十三哨於沿邊旣而總督馮岳至議移麻軍弁駐五寨司請於上得允賜賢璽書統所本轄之兵就職凡鎮守九永各守備常德辰州沅州九谿永定施州各衛永順保靖各宣慰施南散毛忠建容美各宣撫篁子坪五寨各長官司咸聽節制時

嘉靖三十三年也賢旣抵五寨卽爲創立城垣建設戎署整飭軍政訓練士卒防禦周備邊境大治論者方之爲周亞夫至今鳳凰廳民苗猶思之宜祀名宦祠

嚴秀澈浦人景泰間湖貴苗叛者二十餘萬人諸軍進征屢年不能定天順初命都督方瑛尙書石璞督師討之秀以廩生參軍謀議以苗攻苗易成功乃募降苗數千充先鋒用奇計破香爐寨擒苗王韋同烈又從征都勻黎平幕府上秀功第一授以崇階秀辭不受曰吾爲地方除害耳豈博一官哉歸值歲祲散穀數千石鄉里賴以全活者萬餘人年九十餘卒祀忠義祠孫光耀征鎮寧苗有功任至大理總兵官康熙五年麻塘山猺叛秀裔孫應葵募熟猺

扼金鷄壠堵截屢敗之二十五年癸子亞柏率鄉民禦妖賊旋司道敗之韓家橋賊不敢犯趙恭毅公征紅苗招柏幕府議軍事多見採聽嚴氏由浙遷澈浦諳習邊情苗徭有事屢宣力焉

鄧顯芳庠生居四都鄉正德七年鎮筸苗叛劫掠村寨衆逃避顯芳以母柩在堂不忍去人怵以禍顯芳曰棄母偷生不孝况平日讀書所學何事苗至挾顯芳使爲鄉導不從苗破其母柩顯芳伏棺大慟苗怒支解之後有司以其事聞得建坊旌表祀忠孝祠

田英產麻陽人性慷慨通經世大務萬歷後綱維浸弛苗患大熾麻陽歲被劫掠英產遍歷各山川險要規畫進勦方畧上書督師楊閣部反覆數千言確鑿可行督師以聞部議以籌餉無出格不行

時論惜之

李瑜字仲繩江西吉水舉人嘉靖中兵備辰沅紀律嚴明兵將畏戴
四十九年三月孛子坪團溪栗板及銅仁且逞鎮溪亞西諸苗四出
劫掠立調兵擒勦諸苗種類幾絕為總兵官譚繼忠毀中傷調去
民謳思之

姚伏沅州衛百戶齎榜入鵲兒山招撫叛苗龍求兒等苗脅之降不
從械繫數月不能屈其子贖之始得釋尚書萬鏜歎曰姚伏瀕死
不撓義勇誠可嘉也子極以孝友稱

瞿汝稷字元立南直常熟人萬歷三十一年知辰州府初保靖土司
彭養正惡其長子象乾愛庶子象坤而酉陽土司冉御龍故與承

順上司彭元錦有隙象乾者御龍之甥也元錦乘養正死以兵至象乾欲以報御龍汝稷偵知之先期馳檄開諭元錦解兵去三土司皆安未幾議勦紅苗汝稷上言兩臺其畧曰苗邇年頗寧息今茲釁隙實由黔總戎而開黔有食糧熟苗龍惠者頗爲部落所歸中國羈縻之假以指揮服色今總戎初至無故而遽革其糧苗警日起總戎疑以爲皆惠也使健步王仁續至惠寨仁續淫苗婦惠並殺苗婦以白總戎總戎乃誘惠殺之盡滅其家夫漢法凡殺姦並殺其婦者弗問惠故奉漢法也又以白總戎何至殺惠而滅其家乎曲在我矣且苗地四五百里人不下數十萬皆勇悍難制恐未能速得平也議上事得寢尋遷長蘆鹽運使去之日辰民爲建

生祠紀之以碑後以大僕少卿致仕

侯加地字慶宇解州人工詩文畱心經世務萬歷二十八年由舉人爲辰州府推官遇屬邑災侃切陳請必得賑乃已辰州故爲苗疆兵寇時作而郡乘之有無杳不可考前通判吳瑞登草創未成而去繼而其門人侍御錢春巡方至辰以加地有心人也屬之成其事加地力爲考求閭閻利弊著之於篇而於苗蠻事變爲尤詳又著邊哨疆域考凡國家所已設施與夫山川險要所當續爲之備者分條細數不覺其言之長所以思患預防者遠矣其書至萬歷四十三年乃成今其舊本雖不可得見觀於後人之祖述而加地之用心良苦矣嘗署沅州事建學興教卓然有聲宜祀諸名宦祠

以昭士民報稱之意

蔡復一字元履一字敬夫福建同安人由進士歷兵部郎中居郎署十七年萬歷四十二年始遷湖廣參政分守湖北兼署兵備駐辰州請征紅苗改州設衛不從復一親歷邊疆度其險阻力陳營哨羅布苗路崎嶇難以遏其窺覷請發金四萬有奇築沿邊土牆上自銅仁下至保靖迤山亘水凡三百餘里一時邊防藉以稍固後遷總督貴州雲南湖廣軍務兼巡貴州擒斬兇苗無算解任卒於平越贈兵部尚書諡清憲復一好古博學善屬文耿介負大節既歿橐無遺貲

吳長春不知何許人順治十五年以副將來征乾州鎮算兇苗長春

所將兵三百而軍機神速屢出苗不意擊之輒破期年苗盡降服
尋卒於官

劉應中號雅菴直隸井陘人順治戊子年拔貢歷官武昌同知康熙
十九年擢知辰州府隨綏遠將軍蔡毓榮進克辰龍關抵郡招撫
流亡懲奸宄安良善四方逃匿漸來歸頌聲流溢於道路大吏重
其才檄委頻繁而郡中利弊卒未嘗稍倦於興革也乙丑苗亂副
將郭忠孝奉檄往征初以應中督運旣而攝分巡道篆監其軍凡
九閱月苗猶抗據天星寨數攻之諭以歸順苗大呼曰非劉太守
來莫吾降也應中聞之卽馳至挺身招諭苗遙見卽羅拜就撫亂
乃獲平初師之出也應中卽寓書郭忠孝諄諄以殲渠魁釋餘孽

爲囑忠孝得書喜曰仁人之言也故是役苗雖久抗而未嘗妄戮
無辜丁卯卒於官民苗慟之久而益思之爲建專祠於府學之後
又祀名宦祠至今郡人士猶低徊歎慕不置云

郭忠孝山西人康熙二十一年爲辰州協副將加左都督訓練軍伍
以備不虞乙丑秋兇苗出劫鎮溪所陷把總官兵數十人勢洶洶
大起忠孝聞報馳請討之督撫卽以忠孝爲總統檄各營兵五千
永保二司土兵二千咸聽節制忠孝不持已見與監軍道王舜年
督運太守劉應中駐乾州箠子哨審度形勢互相籌咨招降沿邊
三十餘寨而逆苗橫踞地良坡及爆木營以阻我軍仲冬忠孝督
軍大破之首賊吳三過等殲焉十二月追至打蟲寨復多斬獲明

年正月苗聚革多寨時雪方甚忠孝乃潛分兵乘雪夜從排那進
黎明會師夾擊苗驚呼大軍從天降矣大敗而奔盡竄入天星寨
寨爲苗中最險忠孝分布營壘周環四面連攻三十二日苗急衝
下我軍奮擊墮者滾滾不絕苗急退忠孝哀憐之下令收軍遣人
招諭苗亦漸自悔悟於是馳使約應中同詣寨前令土人援而上
論以大義告以不忍多殺之意苗滄泣下寨羅拜就撫至二月二
十二日奏凱還辰州是役也兵初進山愈險路愈仄朔風裂膚體
雨雪連綿至春猶未覩天日士卒愁嘆忠孝同其甘苦時溫慰勞
之及抵天星寨屢攻不克衆竊竊私議云昔有蕭總鎮統萬人攻
之年餘不能破及是罷師而忠孝之名震於苗矣

戴匱忠康熙二十八年紅苗叛掠邊境撫院奏請設哨官一員選勇
畧能幹者充之議推國忠遂駐於大洞坪名曰洞坡哨招集土兵
五十名設伏抵間殺獲頗多苗不敢犯民賴以安

雷如號龍訓山西蒲州人康熙四十年積官至鎮守總兵整飭行伍
躬親巡禦嘗於崑坎營遇苗出劫擒殺百餘人亦不自以為功癸
未冬同巡撫趙申喬提督俞益謨等會師進討如分取毛都塘諸
大寨攻圍既急苗潰而奔追斬首五百二十餘級時十二月十三
日也十五日我軍分兩路架梁而下如令保靖土司彭澤虹搜箐
而入身自督兵以衝山巔苗砍木塞道我兵奮擊逆苗死者六百
餘人十六日移軍還攻兩投陽殺苗百有十五人苗各四散逃竄

二十日偵知垢喇窩後箐洞逃匿者最多如卽密令遊擊史讚胡璉諸軍率土兵分四路進逼復斬苗二百三十五級是役也如軍斬殺千四百有奇生擒百數十人獲牛馬器械無算功未及賞以苗變壘誤去邊民惜之

史成山西朔州人初冒姓包後始復本姓康熙四十三年隨俞益謨至常德補永定遊擊五十年調武岡五十五年陞辰州協副將營兵舊驕縱成律已廉正馭軍寬嚴中程度士卒畏而懷之初成之在永定也以鎮箐苗叛從大軍進勦成督軍巡歷箐旁時苗千餘爲大軍所敗越崑而逃成一揮而伏兵四起圍斬苗八百餘級軍紀以成功爲最後陞浙江黃崑鎮總兵官兵民思之爲建專祠

趙申喬字松伍江南武進人庚戌進士康熙四十一年壬午由浙江
巡撫來讞鎮筸苗獄旋調任偏沅癸未督師從大軍破兇苗而撫
其餘甲申奏請移沅州分巡道駐鎮筸設分防乾州同知鳳凰營
通判及各巡檢裁鎮溪所仍設五寨司吏目惟土司尙如其舊而
田宏天橫虐不法苗民冤憤申喬復請永革襲替邊民始得以享
太平之福申喬持已嚴待物恕進見屬吏霽容接之使言利弊惟
嫉惡如仇未嘗少貸減重耗去陋規平鹽價禁私徵湖南旣均戴
之而除驛站私派改支正賦辰州受福尤爲無窮己丑復勒捕兇
苗吳老吉辛卯捐俸令屬吏建鳳凰廳學宮旋擢都察院左都御
史百姓送者千里不絕建專祠刻其奏檄曰趙公實政錄歿後

賜諡恭毅祀賢良祠暨湖南各郡縣名宦祠

俞益謨字嘉言陝西寧夏人武進士康熙四十二年由大同總兵陞

湖廣提督時鎮守紅苗恃險出沒劫掠麻陽瀘溪諸縣居民大苦

益謨奉

命與尚書席爾達總督喻成龍巡撫趙申喬總兵雷如等督師進剿

益謨預偵苗以天星寨為岨可負既抵苗地前鋒欲疾馳邀功益

謨固持不可密遣副將由崇山衛直逼龍蓬鴨保控賊肩背而自

疾馳據地良坡以扼其心腹更分重兵後山防其上突守三汊河

防其下奔部伍既定以大礮飛擊之苗弗為動益謨訪知寨西有

小天星寨懸巖插澗可以窺大寨苗伏守其中而勢易取乃出奇

兵立奪其地以礮攻大寨山石撼搖土穴裂而欲崩苗始窮蹙願
歸誠翌日苗復有欲亂者益謨預設伏以破其謀苗驚服凡三日
八洞皆聽撫遂奏凱班師大軍之至也苗有乞降者督撫率有賞
賚益謨獨無咸疑其絀於物力使人賚金幣助之益謨曰向者旋
撫旋叛由恩有餘耳諸公懷之以恩益謨馭之以威不妨相濟爲
用益謨能詩征苗時度辰龍關猶泐詩於石著青銅自考集奏議
文檄大都以嚴肅爲主一時之能將也

張谷貞陝西寧夏人康熙四十七年由行伍累官至鎮筵總兵軍令
嚴肅悍苗竊發時出不意飛擒之破十餘寨苗聞風畏憚終谷貞
之任不敢出邊民倚爲保障鳳凰廳舊無學宮巡道孫調鼎始議

興之谷貞欣然樂助遂共成其美至今言總兵之賢者推谷貞爲最

鄂海滿洲人康熙五十年總督湖廣時鎮筸苗猶反復不定海下車卽會巡撫潘宗洛提督額倫忒親履邊陲得其情聞毛都塘最爲黠悍海與宗洛倫忒馳至其地曉以忠孝惕以禍福復遣土百戶徧爲招撫方是時苗聞大軍至皆股慄懼誅而海一以理論之權聲震山谷毛都塘諸苗皆改行歸順稽首恐後海賞賚畢卽旋師明年二月至於秋八月苗先後趨赴武昌者一百三十餘寨是役也不折一矢不戮一人而民走千里外如歸市焉事聞溫詔褒嘉邊民勒石紀其功以志不謖潘宗洛江蘇宜興人進士初

任湖廣學政五十年復任湖南巡撫額倫忒滿洲紅旗人四十九年提督湖廣五十二年陞湖廣總督署西安將軍祀通省名宦祠凡政不專惠於辰者已詳省誌其來撫苗也功皆與海同故並敘之

周一德山東金鄉人康熙癸未侍衛官至衡州協副將雍正三年署彝陵鎮事總督傅敏語云容美土司田旻如殘淫不法土人如在湯火中將籌所以拯之一德曰旻如陰悍諸司畏懼地處險塞不可遽取桑植一司爲其後戶永順保靖二司乃其犄角撫數司郡縣之則容美自困由長陽施南用顛救之人宣慰勞來必內變可反掌定也制府躡之遂移署九谿協經營其事一德輕騎領健卒

數十人前駐白巖洞傳桑植諸營旗社把給酒食諭以意衆社把
悉泥首聽命一德乃入巡清戶口畫方畧設卡防以阻容美之侵
暴仍賚桑之社把以錦衣駿騎令爲前導徑赴永保等處永之士
人初猶玩抗時駐營鬼灘謀知岸有伏波遺記今年月日應我倒
銅柱令爾等爲中國良民永人疑之皆蟻山憑巖持鎗弩以觀公
從容焚香拜廟畢出詣柱前舉臂撼柱柱應手倒永人驚惶卽匍
匍曰公天神也謹乞命遵約束於是風聲所至除道懽迎計周歷
三月而桑永保三司所領茅岡忠建施溶洞等十七司盡入版圖
田魯果爲其逼自縊死六年陞鎮算總兵官奉

命同辰沅靖道王柔領兵化諭六里柔欲上龍潭進一德以此地險

苗悍不如由乾州之鴉溪入設計誘之餘可迎刃解也柔不從一德分軍入鴉溪偵有天王廟苗奉之畏甚門常扃一德笑曰古人以神道設教有以夫早起宣言於苗云天王見夢賜我三燾命撫衆有抗者奉燾剿滅之且言神黑白侍從甚悉將入廟以驗苗聞之驚至期苗酋率衆來觀一德宰牛陳酒碎鑰以入長揖畢顧苗皆畏縮招其酋令向神左右覓燾酋奉以出光艷閃閃果三燾也雖一德軍伍莫不歎爲神乃大張樂奠酒焚楮擁燾歸苗人驚爭稽顙乞撫於是鴉西崇山衛數百寨日相率來飲血設誓時柔已爲苗所拒一德秉燾攻之擒斬其魁惟楊孟三寨尙恃險拒戰復鼓勵士卒燬其巢擊其黨苗盡平遂與柔相度形勢築永綏城於

吉多坪建天王廟於潮水溪以三燾歸焉遂爲之磨嵒而勒銘云
旋調勇健營左翼總兵永綏苗數百人送至崑門有泣下者

王柔字東牟山東福山人貢生雍正元年乾州廳同知六年分巡辰
沅靖道駐鳳凰廳才足任事戊申永順土司彭肇槐願改土歸流
柔親度其情形入

覲爲奏請得允於是設永順保靖二同知隸辰州府桑植同知隸岳
州已酉改設永順府庚戌柔爲辰沅永靖道兼職副將率永綏同
知李珣保靖遊擊王進昌領兵開闢六里而巡撫趙宏恩總兵周
一德亦統軍來駐吉多坪共播恩威辛亥

欽錫名曰永綏廳屬辰州府設同知副將與內地如一柔爲籌畫善

後事宜建城設學又議設鎮筵邊汛與乾州永綏互爲犄角聲氣相通凡所以經制苗地者其力良多

楊凱江南儀徵人武進士康熙六十年爲鎮筵前營遊擊兇苗出劫屢擒而置諸法雍正五年擢辰州副將領兵關桑植司時永順彭肇槐內嚮凱諭以獻土歸流七年調永順副將九年陞鎮筵總兵官苗人聞風畏懼凡鎮內營汛安設未當者爲分布之凱官終湖廣提督

王瑋山西大平舉人雍正十二年乾州廳同知寬厚有才不以苗疆而鄙夷之振興文教立學田設義塾請支公帑延師分課令苗民子弟學於其中由是人漸知禮又練鄉勇以防苗變乾隆四年葺

衝排楚諸寨苗出劫瑋會營將擒獲之苗復相聚阻河劫糧總統
劉策名統軍討之葦衝苗抗命而他苗陰欲抄出官兵後夾攻道
經寨楊瑋已先令鄉勇守其地苗至諭之曰爾良民何爲助惡卽
幸而踰此大軍前戰我軍後攻爾逃何之盍自愛耶苗懼而退葦
衝苗望救不至遂爲策名所破苗自是不敢橫瑋益出恩威以鎮
撫之邊境大治初乾州未有誌乘瑋以其餘暇考因革溯治亂分
條而纂成之苗中事變累具焉乾州之人言循吏率以瑋爲首今
尙有欲爲立像構祠者

冶大雄四川成都人世襲騎都尉屢官大同總兵罽誤起復乾隆二
年署永綏副將整飭軍伍化誨凶苗有竊出行劫者立擒治之兵

有病困無歸者捐貲藥之舊時營馬多逸縱侵害田野大雄擇地於老衛城設廩以養之逸縱者有罰軍民皆便又以永綏歲不產穀兵有糧無以贍其室家爲請借公帑二千金糴米旁邑貯以貸其不足由是兵免重債之困在任數月兵民感之去之日泐銘於石六年陞鎮筮總兵一如在永綏時也

劉策名四川成都人乾隆二年永綏協副將四年署鎮筮總兵時巡撫馮光裕以三廳苗民尙多不法奏請討之以策名爲總統兵饋道楊輔臣驛鹽道馬臨阿統兵千二百人進征鳳凰廳之栗林永綏廳之補毫諸寨皆降惟盤鵲泥永綏苗之最悍者獨特險抗命策名擁兵剿之焚其巢擒其魁餘皆懾服而乾州之葦衝排楚諸

苗復不靖且橫阻辰河以絕我糧餉明年策名添兵以進苗奮勇拒戰他苗聞風來援爲同知王瑋所阻諸苗望救不至敗而奔追擒斬獲百人苗遂平

彭肇槐永順宣慰司宏海子也雍正五年保靖土司骨肉相殘桑植土司暴虐不仁皆奉

旨改土歸流肇槐撫永順恭順無過能輯和人民土司鄰郡皆稱其賢獨能慕義向化懷獻土之誠時鎮筸總兵楊凱以桑植副將帶兵彈壓保靖道經永順肇槐以獻上意商之楊嘉其議肇槐遂不謀於舍把人等率子星燧具呈督撫請題稱生逢堯舜之世不得與於內地臣民之列深自愧慚今造其家口冊籍繪輿圖情願改

土歸流並永安插江西祖籍量授武職微員効力圖報奉

勅今肇槐進京引

見奏對稱

旨准其請授爲參將賞銀一萬兩予以拖沙喇哈番世襲罔替著將家屬安插原籍江西吉水縣遂改永順司爲永順府永順千百年之草昧得被仁義禮樂之化皆彭肇槐獻土功也

論曰國家之於苗疆規畫周詳盡善而無遺矣尙何往古之可言哉雖然周公之訓曰我不可不監於有夏亦不可不監於有殷一王之制未有不損益前代因革得宜者而况前哲格人宣力邊徼或官茲土或生茲鄉俱爲民苗所俎豆而忍令其湮沒

無傳耶考漢以前辰州未入版圖自馬新息用兵之後漸通聲
教六朝及唐羈縻弗絕晉天福間楚王馬希範平定溪州五姓
歸誠銘銅柱於會溪用以繼功文淵其事雖夸其烈有足述者
宋則土人秦再雄張翹勤撫馭之方効安攘之策事功最著而
他廂兵義軍營田弓弩手諸制亦畧備焉元明以來苗生齒日
繁邊隅之間往往多事其間若劉二霸之雄武蕭總兵之勇果
豐功駿烈焜耀青史矣當嘉靖之時苗最鴟張張岳厲兵威嚴
武備就蕭授所築二十四堡或因或革而總爲十八營哨是時
邊防粗定苗不敢動者數十年迨後營哨之制漸弛苗肆無忌
蔡復一修築邊牆亘三百餘里至今民苗地界藉之以定焉

國朝以來德威廣敷苗民懷畏凡剿捕之法防範之務久而愈
精大約奏績於康熙初者則有若吳長春郭忠孝劉應中底定
於康熙中年者則有若趙申喬俞益謨雷如綏靖於雍正年間
者則有若周一德王柔王瑋是皆經猷長才因時立制功烈煌
煌其他人品事蹟不必顯著而或有一二設施有益苗防者亦
必蒐輯而存之此非獨掌故所存成憲可監而不忘前美卽以
激勵後賢俾知五溪荒遠之區文獻無徵而果其勞著邊徼精
神不可泯滅則當代遠年湮亦必有珥筆而紀之者亦可以憬
然思蹶然興也巴